

嘉慶松江府志

松江府志卷七

山川志 山

鄭夾深云郡國有時而移山川亘古不易一方形勢
所在顧不重與松郡諸峯以天目爲幹而水亦多自
浙右來匯於泖澱沿江以入海惟支津交渠時有通
塞昔賢講求水利因時制宜爲澤國言疏濬之法者
頗資考鏡若海塘修築永禦鹹潮爲一郡所攸賴尤
未容畧也志山川

府境諸山自杭天目而來纍纍然隱起平疇間長谷以東
通波以西望之如列宿排障東南涵浸滄海煙濤空翠

亦各極其趣焉而九峯之名特著

九峯中惟天馬余山最高玉屏斯下矣崑山又下於玉屏
此有目所共見也舊志稱千山七十丈玉屏九十丈崑
山乃一百五十丈豈其然乎故不詳其丈尺機山最西
北云去府二十里細林近東南乃二十五里況竹嶼浮
蘇在滄波浩渺中誰能測之故不詳其道里以上俱顧
志案九
章算術有立表測遠因木望山之法所謂度高者重
表測深者累矩卽劉徽重差法是也山之道里丈尺
原有可憑特顧陳郭三志不言惟楊氏潛言之篇中
故仍用其說而錄顧立志於前以俟後之通算經者
元陶宗儀曰九山離立如幽人
冠帶拱揖狀此九峯所以稱也
明董紀曰松之山三
十有二而九峯特著

明董其昌曰吾松之山機雲以古賢名鍾賈盧余以

獸名神山原名辰山在諸山之

東南次於辰位今作神者訛也

元晏鐸九峯行三徑重開書屋九峯舊隱人家欲

辨武陵春色溪流泛出桃花曲徑沿流上下蒼苔

白石磷磷落日惟聞啼鳥空山更少行人

明楊基詩九峯山頭白雲飛飛來化為遊子衣遊

子思鄉去不返青天漫漫日日晚悵悵天河水夜

夜東南流欲知何處去流向九峯頭

崑山在府城西北二十五里大清一統志按雲高一

百五十丈周圍八里陸氏之先葬焉後機雲兄弟有辭

學人以爲玉出崑岡因名

雲間志按陸士衡詩云髣髴谷水陽婉變崑山陰又潘

尼贈陸機詩云崑山何有有瑤有珉穆山形圓秀而潤

穆伊人南國之紀則名已在機雲前矣

旁無附麗望之如覆盎然志登者從西北攀躋而上有

閣宏敞可眺泖湖其半有讀書臺婉變草堂白駒泉僧

供二陸先生主於佛殿之西軒其巔為泗州塔院三聖

閣下瞰大柳在几席間梵燈漁火隱現於蒼煙杳渺中

陳又有紅菱渡在山楊柳橋在秦皇走乞花場玉光亭

揖山樓七賢堂二陸三高及陸伯生陳眉公也神虎穴中峯禪師開道場時神虎出聽

說紫藤徑費隱和尚與其湧月臺合白駒泉為十景九

志初梁時置崑山縣遂誤以馬鞍山為崑山其實崑山

在華亭不在彼也松人誤以小崑自名江南通志

晉陸機詩孤歌思故藪離鳥悲舊林翩翩遊宦子
辛苦難為心彷彿谷水陽婉變崑山陰替魄懷茲土

精英若飛沈寤寐靡安豫願言思所欽感彼歸途艱
使吾怨慕深安得忘歸草言樹背與襟斯言豈虛作
思鳥有

悲音

宋唐詢詩昔有人如此茲山得美名巖肩鎖積翠
谷水斷餘聲喬木今無在高臺久已傾如何嵩嶽什
獨詠甫

侯生

王安石和玉人生此山山亦傳此名崖風興穴木
清越有餘聲悲哉世所珍一出受敲頓不如鶴與猿
棲息尚

全生

梅聖俞和陸氏幾世祖葬此生令名猶如產美璞
遂爾傳嘉聲寒巖蓄奇秀源水日東傾何言千載間

二子不

復生

元王艮追和茲山孕奇秀因人得佳名人去山亦
枯竹柏藏秋聲寒泉湛空碧石穴儼不傾焉知千載
後豈無君子生

松江府志

卷七

三

段天佑追和九峯三如筍茲山竟誰名不見玉生處惟聞鶴唳聲閣下泉東注岡頭日西傾我想古君

子倚杖暮愁生

凌巖詩九峯西峙北崑崙晉代將軍墓尚存今日壘登絕頂桑邱麥壘自村村

征北遺碑

宋許尚詩崎嶇尋古隧衰草隱寒原欲讀將軍事豐碑祇半存

二陸故居

在崑山

宋林景熙訪二陸故居詩風流懷二陸才名動三吳斯人不可作千載埋煙蕪當時聘俊筆萬象爭先驅有如明月璧美價傾洪都世運無反覆韞匱真良園惜哉去就乖毀此千金軀人生皆有死百年同須與獨遺文字芳乃與天壤俱淒淒崑山寒冉冉谷水枯白鶴久已寂黃犬誰能呼荒祠挂夕陽扁舟入菰蒲采蓴薦秋水庶以明區區

明陳繼儒宿二陸祠詩 精翠遙含最上乘草堂殘
壁半垂藤一時兄弟真豪士千古蘋蘩但老僧松偃
空壇巢野鶴客留深竹話孤燈明
朝更有黃花約山下扁舟到未曾

乞花場

明王世貞記 崑山爲吳屬邑中有山巋然以是得
號故老云此馬鞍山也去華亭之西南十八里乃真
爲崑山今以崑山之爲邑故厚之曰小崑山是故婁
侯陸遜之孫機雲所讀書處也然其大寶不能當馬
鞍之半而又以地偏而水迂不爲使輟游漿之所便
習今年丙戌春友生徐孟孺陳仲醇游焉其趾蝕民
居透逸而上至半嶺而有佳木美箭之屬其勝始露
更上數十武爲石塔而郡之所誇九峯三柳者悉歸
焉二子樂之挾塔而下與偕東過一莊墅楚楚僧曰
是鄉老陳姓之室也業且售之無爲主者問其直止
可三十金二子曰士衡其詩不知其可乎請售其地
山陰卽此地也夫誦其詩不知其人可乎請售其地
而祠之置丙舍以歲時廣和讀書其中太原王辰玉
聞而欣然爲助其不給乃稍稍更飾之其居前俯清
山川志

疏左右三疊黃石爲短垣其陽獨闕樹槿藩之曰槿垣
中有堂三楹頗整觀斑竹千竿擁之蒼翠襲几席曰
湘王堂側室蕉數本輔之曰蕉室中奉二陸主曰二
陸香火處祠之後左偏石巖高可數十丈空闊瑰奇
石楠十餘樹覆之石皆作紫紺色曰楮石壑竹後小
池蜿蜒至屋角而盡蘋藻空明脩魚出沒曰科斗灣
出槿藩門則所謂清流者其淺可以菱菱熟則紅如
夕霞曰紅菱渡渡之東板橋橫焉左右多垂楊曰楊
柳橋稍折而束堰水一區方廣三畝鵬鵲浴之沒不
能歷日洗鶴溪斑竹之餘勢上延山椒芟其繁者得
地而亭曰花麓亭湘玉堂之陽與祠之左爲廣場且
六畝二子念欲雜蒔諸花升實之而橐裝澀矣乃自
草疏請諸戚執曰爲我塗澤此石者花爲我映帶此
水者花爲我挽客趾者花爲我娛二陸先生之靈者
花卽捐花而惠之百不爲多一不爲少稱意而已俟
花成當日澆花井而屬山人爲記夫以二子之所偶游
而得真崑山以崑山而得二陸之遺蹤於千載之後
起哀魄腐骨而聲施之久絕之血允一噓而熒然復
觀香火茲非文士厚幸哉雖然藝文一枝耳能使千

載之後若新而況不但為藝文者又當何如也於是呼筆紀之而致花十種於場

寶奎閣

康熙中僧本月建恭奉對墨寶及

御賜古銅佛一尊御書額

橫雲山 在府城西北二十三里大清一統志高七十丈周回

五里本名橫山唐天寶六年易今名與機山相望僅五

里許或云因陸雲名

雲閒志

山多古墓勝國時嘗遭發掘

獲器物甚多輟耕錄所記古銅水滴號神人獅子者亦

出於此蓋陸氏物也其巔有白龍洞潛通澱湖深不可

測下有祭龍壇歲旱禱焉

顧志按輟耕錄松江之橫雲山古冢纍纍然世傳以為

多晉陸氏所藏山人封生業盜冢至正甲辰春發一家

冢輒上有大元二年造五字按太元東晉武帝時也逆

數而上計九百一十餘年矣或者謂冢有志石但恐事洩秘勿示人家中得古銅壺勺盞洗尊鼎雜器之物二

百餘件內一水滴作獅子昂首軒尾走躍狀而一人面
 部方大髭鬚飄蕭騎獅子背左手握無底圓桶右手臂
 鷹人之腦心為竅以安吸子吸子頂微大正蒼腦心
 一席帽衣褶及獅鷹羽毛種種具備通身青綠吸子潭
 若碧玉論其製作膚理則非又有聯雲障在雲鸞庵上
 晉人所能乃漢器無疑也

壁橫互麗秋壁在雪堂後碧巖三冷澗只怡堂來谷潭
 數十丈

潭脈由谷水忠孝祠龍方相國岳貢黃公廬黃子久得
 來泉最香冽

月塔合白龍洞為十景九峯巖壑迴邃秀幹攢蔚郡人

遊屐乘秋萃止以作重九山麓雲鷺庵跨梁環澗仰視

青壁峭立藤蘿翳陰幽勝殆絕進西為王氏橫雲山莊

又西為張氏宿雲隄松篁掩映夏可忘暑隔水有奇石

隆起東峙曰小橫山志

宋黃庭堅過橫雲山渡長谷詩 雲橫疑有路天遠
欲無門信矣江山美懷哉謫逐魂長波空泳泛佳句
洗眵昏誰奈離愁

得村醪或可尊

元凌巖詩 七峯嶺翠擁層巒偃蓋孤松石

上蟠行雨白龍何處去暮雲深鎖洞門寒

元錢惟善詩 兄弟詞華不世逢青山相對

若為容洞門深鎖煙嵐濕猶指空壇祭白龍

白龍洞

詳古蹟

宋許尚詩 呼吸湖中水山椒寄
此身洞門風雨夜電火逐雙鱗

橫雲草堂

元唐涿州居

陶宗儀詩 三泖移居屋幾區青山一帶與雲橫翠
芬落几琴聲潤紫氣浮階鶴夢清削竹專城施政教
懸車故里養尊榮杖藜莫厭
相過數好付見郎管送迎

小橫山 在橫雲東中限一水隆然而興上多璽石萬年

松俗呼僊人澆酒石由絕頂至東北皆峯巒隱起壁立

數仞色盡赭遊人呼爲小赤壁盡壁巖然一罅如虎邱

試劍石狀前有石可踞而坐小瞰小澗亦九峯奇絕處

也顧志山之麓有小山招隱元孫稷所居又傳有僊雲館

凝翠軒爲蘇東坡遊賞處今渺無迹矣陳志按蘇文忠年譜文忠歷

官以來宋任秀州惟熙寧四年由開封推官改杭州

是年集中有秀州僧本瑩靜照堂詩一首考嘉興舊

志靜照堂在郡城西北三里招提院內至七年春夏

間往來常問蘇秀道中元豐二年三月由徐州改知

湖州是年集中有與秦太虛參寥會於松江詩二首

考九域志松江卽吳江故詩內有又扶衰病過垂虹

之句陳志所稱仙雲館凝翠軒爲東

坡遊賞處其在往來常問蘇秀時乎

明錢溥遊小赤壁和蘇東坡赤壁懷古念奴嬌詞

三江旣入到今來誰是風塵表物秀列九峯非夏日

亦有丹崖翠壁煙鎖平原雲橫積石欲弔情何雪時
歸典千可憐失此雙傑何異孟德當年膠觘蔽岸
一炬東風發萬古功名同一夢祇有文章難減夜靜
江空猶聞鶴唳聲起人毛髮坡仙如在要分兩處風
月

錢福小赤壁歌 五茸西來橫九峯一山率律峯之
中上有石鼓大如斗叩之應響聲鏦鏦下有赤壁山
削立如壁峒徘徊登覽意未已千態萬狀模其容初
疑伏羲定八卦河洛之象留其蹤又疑神農嘗百草
吐出一點青芙蓉更疑大禹疏鑿施神功波濤洶湧
鯨鯢雄怒驅六丁拔出天地骨一柱鎮壓吳江東蒼
苔何茸茸石潤何溶溶黃猿夜嘯嶺頭月白鶴晝唳
巖前風自想老夫狂遊四海五湖二十載誰知此山
之趣真無窮此山之趣真
無窮何日結廬依古松
曹時信赤壁行 黃州赤壁天下奇蘇翁挾客清秋
時洞簫吹月泣蛟蜃星躔乃在牛斗墟吾松卻居斗
之隅峭石立水枯而癭莓苔古秀稜角敲聲削臙臙
摩紫泥盤盤飛鶴上無涯青莎碧草深葳蕤清風入

松如龍爐竅竅楚楚恒吁嘻暮春之月日日奇蘭橈
順流聊自嬉尋勝陟幽僧願隨挈壺持墨相差池晚
日東景紅陸離扁舟浩笑吾歸兮衆賓聚首河之湄
送我攜酒還進厄吾量如符君莫嗤鶴亭鶴去餘荒
基東月照醉影離披扶醉放船喧鼓聲中流獨發不
可支中流獨發不可支浩笑決往吾歸兮黃州雲間
名兩馳蘇翁狂兮真我師
鳴呼蘇翁狂兮真我師
許維新詩并敘吾觀志稱橫雲其名未爲不雅山
色本赤易而從赤壁甚無謂同出開關各得姓名舍
此就彼豈合應聲乎吳楚黃磯大合兵東風吹
火成煙平青山染盡英雄血不忍重題赤壁名
董其昌詩并敘吾郡九峯之間有小赤壁子頃過
齊安至赤壁下其高僅數仞廣容兩亭耳吾郡赤壁
三四倍之何以小爲因爲解嘲吾松山有九皆以
海爲沼東海旣以大赤壁安得小風穴祕精靈雲門
削鬼巧口鼻圖鱗角呈天矯雖無須彌寬未可
培塿渺而我遊齊安何由凌縹緲時平兵氣銷霜落
江聲悄迴思平原鶴誰是枋榆鳥歸語東陽生扶筇
事幽討石言曾莫逆壁觀習枯槁田成球琳賦屋用

辛夷繚太守握紅雲冠峨山容好嘉名公等錫一壑
從予保手寫大江詞蛾眉翠可掃踰應北山招終事

東坡

錢補十峯詩并序 九峯名松各有勝概而瘦石
繡苔如小山石壁者蓋少定翁鶴坡緩齋偕予登而
偉之遂進其秩躋為十峯壁靈其服諸無忘效奇需
釋助我聖天子以享吾羣英鑒賞於萬萬年也彼或
爭名嫉秀讓我以擅爵吾得請命於藏垢納汙者焉
若曰地靈人傑而一言為終古軒輊則吾豈敢何
年秀氣天所鍾壁立瘦骨支蒼穹一起一伏騰虬龍
放鶴亭前十八松況有石鼓聲鏗錡豈應漠落橫雲
東天地之數始必終何獨客此於吾松
便須插腳入九峯九老唯唯咸心從

機山 在府城西北三十里一統志因陸機得名山下有

村曰平原亦因陸平原名之志雲間前有陂澤人家散布

汀岸隱然若圖畫云志顧山有呂公祠頂上吏部園朱永

佈醉眠石眉公坎離泉舊名光眼潭雙蛟壑一名三蛟

蛟破雞鳴嶺山出蜈蚣故綠雲河舊多眞珠浦在水醉

壁出雞鳴嶺以雞厭之花閣瞿一淳合平原村爲十景九峯

元凌巖詩六峯喬木鎖雲根青投平原數

里村此處無人來鷺鶴海靈山鬼哭黃昏

錢惟善詩煙徑雲林樹色昏千尋喬木見

名門橫峯亦有尚書墓只酬平原內史魂

陶宗儀懷古詩昭侯功業在人間二俊文章

若可攀西洛竟從王顧秋風不逐李鷹還平原村

迴家山靜華表雲深鷗夢閒有客

平原村詳古千山在府城西北二十九里一統志高七十丈周圍五

里雲間郡諸山之最高大者以形如天馬稱爲天馬山

其曰干者或傳干將曾此鑄劍舊圖經云有干姓者居

此圓智寺記云山後皆干姓所有故名山上多琳宮梵

宇春時遊人甚盛按婁縣志郡人率以歲三月詣嶽祠山禮於嶽祠俗又謂之燒香山嶽祠

之側有來鶴軒其西穿堂當小山石壁若屏障然右瞰

柳湖一白萬頃憑高凝佇恍然如隔世外山頂有雙石

魚相傳風雨化去其脇有泉遊人掬以頰面云能明目

顧有浮圖七級登覽者極江海之觀陳志又有二陸草堂

在圓智寺為三高碑楊鐵崖陸宅之錢思復三高士衡讀書處台葬處碑為太守何遜之所立雙

松臺在塔院下楊鐵崖手植也餐霞館一柱石濯月泉又名第看劍

亭楊鐵崖築此八仙坡相傳八仙曾過此半珠庵下有蓮池留雲壁

在道院前為十景九峯志

東北頽然一阜俗稱扁山又名

繩山蓋干山之附庸云婁縣志

元楊維禎于山志華亭地岸海多平原大川其一
之聯絡於三泖之陰者十有三名於海內者九其一
日干將者九之甲也世傳夫差豕干將其山故云其
形首昂脊弓肩髀確礪狀馬又云天馬焉至正癸卯
四月十有八日橫鐵生洪祥駕黑樓舟邀余出南關
泛白龍堆北行過流涇至皇甫林西小溪蛇行六七
里抵山麓命謝公履躋峻磴及半山休松溪丹室道
士郭某作茗供題詩壁間更肩輿上山絕頂藉盤石踞
坐視衆山纍纍如子立膝下佛宮梵宇離立於旁瓦
次鱗鱗雜出叢樹間桑邱麥畝連綿錯繡儼然朝川
畫苑也鳥有婆餅焦者時聲於耳冷風鏘然起松雨
滴衣帽使人肌骨慘懷下山群之外氏張景良請移
舟旋山面北若千步折三矢地怪石夾插類剖剝
拔土特起類跳狼搜虎木皆驚迴風翫懸碧蘿如縷
索有軒四橋名蘿窗掃榻就坐窗洞開野香襲人若
芝木良父梓山公出肅客盡客於軒復出子羅拜公

躬奉勸爲子壽子復觴之曰劫灰一吹十年無地不
焦礫公獨不在劫地又時與高人韻士徜徉山水爲
東南之慶人福地非耶於是主賓交歡酒不計量願
然就醉不覺日在牖西於是夕宿東曉曹氏元修精
舍明日放舟山南訪黃五全不值又沿流經石氏醉
寢家邂逅捉月公李彬邀子蒞臺石軒寄隱生余瑾
陪飲賦囊石詩書
於東高夜乘月歸
凌巖詩八峯蔥蒨石林幽給事題詩紀
勝遊昨夜僧歸鐘鼓靜一聲鷓鴣淚海天秋
錢惟善詩千氏千年居此山題詩給事最
幽閒春濃海嶽開晴色遊子燒香畫舫還
明貝瓊干山夜泊詩一水疑無柵繞通牒子舟連
山分秀色絕境散窮愁行與月相逐臥看天倒流野
人應不識林
鳥自相求

石魚

朱許尚詩雙鯉何年刻悠然鬢
鬢全登臨忽懷遠尺素若爲傳

二陸草堂

相傳二陸讀書處機雲少齊名兄弟相師友

末乃與弟入洛故鄭曼季贈陸雲鴛鴦篇曰鴛鴦美

賢也詩云鴛鴦于飛在江之涘和音交暢拊翼雙起

朝遊蘭池夕宿蘭汀清風翕習

有波蘭蔭凌雲立厲載翔載止

宋沈遼詩海天寥寥禾黍秋人籟已息煙

霞收數聲鶴唳草堂靜何苦更向咸陽遊

明陸樹聲修二陸讀書草堂詩重開遺宇傍層邱

婉變西來谷水流白日未歸華表室晴山從護碧蘿

秋風流不作浮湘賦詞賦空嗟入洛遊

龜山祠

山下舊有楊龜山先生祠宋時建郡人林至遊

山下楊氏向係龜山後世守其祠改名十忠祠

潏山

在府城西北六十里

大清一統志

周圍三百五十步局

三十丈山形四出如鼇上建浮圖下有龍洞屹

湖中

亦落星浮王之類旁有小山初年僅兩席許久之寢長

寺僧築亭其上勝曰明極

雲間志

又有鼇峯塔

今寺法堂地龍

淵橋潛龍洞通靈泉

慧燈禪師鑿石十六丈得此初名橋在山陽洞在山陰泉在山巔宋

寒穴錢野人袞以名襲金

回經石

在山麓白蓮池在小山下

山且下有龍洞因易今名

與洞三姑祠在寺旁

一色軒

寺舊東廡十八間皆粉素故名

徹見閣

在法堂後

并明極爲十景今山在平田去湖益遠亭宇塔院俱廢

所存三姑祠通靈泉龍淵橋及法堂數楹而已

清浦又王志

西北一小山皆石骨名箕山

陳志

宋許尚澂山詩

殿閣輝金碧遐觀

足畫圖

維舟一登覽疑陟小蓬壺

元王逢游澂山詩

鼇戴小蓬萊方諸宮影開厓根

龍洞關山

脈虎邱來疏磬重煙水殘碑半雨苔因之

山川志

二

懷故國游
雁落清哀

明陸樹聲澱山十景序 澱山舊在薛澱湖中形如

負鼇其上浮圖名鼇峯塔旁小山石漸長可亭因亭

其上榜曰明極寺旁為三姑祠其東廡為一色軒軒

皆粉素堂後為徹見閣蓋釋家取義圖覺故名山麓

有回經石相傳西僧取經漂水墮石其故蹟也山陽

有橋為龍淵泉出山頂者為通靈疑皆以潛龍洞得

名洞在山陰深窈而曲其下所吞吞吐則白蓮池也宋

時山在湖心如落星浮玉境象殊絕好事者指為小

蓬萊蓋數百年前品賞也其後潮沙淤隔化為平田

山圍四望漸次村落矣今寺為凡墟棟宇彫殘灰蕩

無遺子往以野服登山竝老衲步叢莽中仿佛指顧

如捕影談空獨回經石尚在兀出淺土予手摩再三

因念陵谷變遷故年景象與塵劫俱沉向非品賞標

題遺蹤來者孰能循歷景繁為此山左證耶迺知滄

海桑田宇宙內物無常因而窮山絕境一經品

識其所稱重宜在劫灰之上矣作澱山十景序

普光王寺

昔在澱湖中有道人登禪師者始結屋於巖

竟日不得魚因就師問其故師曰但以爾舟載土詣
吾山者當遂所願既而果然白爾遠近歸之積累既
久因以建寺名普光王寺嘗因浮圖放光故
爲塔神名號在宋朝敕封伽藍神餘詳寺觀

三姑祠在寺旁
詳壇廟

鍾賈山 在干山之東一水左限沈涇塘與廬山對峙相

傳以鍾賈二姓得名

楊樞鍾氏譜敘云九峯之間有儒
者曰鍾子鳴其先與賈姓同隱於

壽安山中時人遂以鍾賈名其山鍾氏世
居茲山之陽自唐以來六百有餘歲矣 或以介九峯

間故名中介山僅高二十丈周三里一培塿也山之陽

有玉清觀壽安寺內有棲雲樓半雲亭心遠堂皆名蹟

寺西陳氏墓垂絲檜二株徑五尺蓋數百年物也郡守

熊軫峯題曰嘉樹林

郭志

元陶宗儀鍾賈山采薪詩繫船溪水頭山中成久
留半月總值雨一生都是愁哺雞敗簷雀逐婦深樹

鳩薪采輟夫役

摘蔬薦晨羞
明張弼鍾賈山觀梅詩寒浦湖孤舟寒香梵宇浮

停雲雙劍合聽雨一尊留池藻雕龍麗庭柯玉樹秋
梅花正出媚
應與洛神遊

心遠堂

元高晞遠詩種竹期十年栽橋盈千頭雖云多遠
慮無乃為身謀高人絕塵累俟德居此邱泰宇無畦
畛虛室有天遊仁義尚蘊蘊道德成安流結茅依翠
微極目際平疇白雲度寥廓黃鵠下滄洲百世此周
覽我志尚可求祗應
柴桑翁真趣共悠悠

嘉樹林

見古蹟

十井

詳古蹟

廬山

在沈涇塘

按廬山疑亦以盧姓得名頽然一邱參在塘左

時於干將鍾賈間環絡蒼翠不覺其孤山下有水一泓

清澈如泉當華

今屬雙縣

青孔道

明萬歷時僧慧解蓮儒建甘露亭隨時施茗飲薑湯

風雨之夕或施燈火行人便之

元至正間有龍見於廬山雲霧蓊鬱鱗

爪分明從西北入於泖澱明萬歷二十五年五月間蛟

起山崩西南一角

陳志

明王衡題陸孝廉

萬言廬山畸墅詩

輕舟曉出神

仙址山下人

字午流風水風光的武陵源到門依舊

平原里路轉溪迥有同秋葉彷彿當階紅洞房窈

窕路欲絕飛梁忽跨高樓風樓前參差戛寒竹藤子

垂垂挂樛木人面斜陽映晚曛烏背濃煙帶微綠堂

前橙柚香輪困主人未敢言山貧曲闌深閉五千卷

等閒肯亦尋常人山寺無鐘送客別與君坐到

鳥聲歇相攜忽過板橋東一笑溪潭半弦月

細林山

青浦縣志作辰山

在府城西北二十五里

大清一統志高五十

丈

雲間志

周圍七里本名神山唐天寶六年易今名

雲間志

元時僊人彭素雲徧遊名山至武當遇張真人於紫霄宮素雲執廚汲水苦行三年得授接神鍊氣之旨洪武十四年至此居焉二十七年八月旦起沐浴更衣趺坐而逝七日顏色如生又舊有神龕僊館四字是呂純陽

書筆法奇異嘉靖間爲太守吳黃州取去今勝蓋臨本

陳志

按守令題名明時只有太守吳鉞係江西人正

德時任

非在嘉靖間黃州屬湖北吳黃州疑是韋蘇州

柳柳州之類或

又有十景曰素翁僊冢即彭真人墓在山半丹井

非松郡太守

靈源以助彭真人修煉洞曰春雲有石洞在山半石對

靈源

以助彭真人修煉洞曰春雲有石洞在山半石對

晚香遺址

晚香亭今廢址為鏡湖晴月

西潭一名金沙

夕照

馬日

沙坡在山麓對天義士古碑

夏壽之發粟賑

崇

真曉鐘

崇真道院為彰真人所鑄

五友奇石

在甘白山泉

泉在蠡庵後

味甘而色白故名

梁簡文帝銘并序

華亭西北二十餘里神列九峯第四僻在一方雖非巨

麗未經標品而自古神仙往往託迹實震旦之靈阜

也余以幾暇結駕游衍覽茲佳勝瞻焉有懷乃作銘

曰閣號天井山稱地維碧雞金馬越瀆梁池懷靈蘊

德孕寶含奇此亦仙岫英石遠攤昔有驚窟不燒淨

土遺使高蹤構茲法字引葉成帷卽樹為柱石砌危

橫崖階斜豎白巖塗遠丹源路深長林萬頃偉木干

尋竹窗看博松間驪琴捐氛蕩絮散賞娛

襟大通元年歲次庚午春三月十五日題

青浦縣志云黃之雋唐堂集梁簡文神

集其銘序

皇太子殿下似為昭明奉佛之所別有

山川志

山

寺名神山非此山也故顧東江不以入志而陳志不
知何據改序文云本名秀林山或稱辰山列九峯第
四按九峯唐宋未顯元以後始有詩人題咏之序安
得豫見梁代又言子以幾暇遊覽未識大通元年庚
午春三月按簡文帝時方以去冬十一月居所生穆貴
熒喪史稱其哀毀骨立淚漬席爛南百餘日安得聘
懷佳勝且是歲爲丁未若庚午正簡文大寶元年方
見逼侯景未幾罹害安得千里遊觀仲醇未見原序
因神山二字偶合遂附會杜撰貽誤後人據此則簡
文所銘神山固非青地但傳說已久不欲遽刪仍綴
於此今按神山銘始見於張所望
閱畊餘錄陳志蓋因而沿誤也
元凌巖詩四峯孤聳鬱蒼蒼新構僧廬傍
野塘林下雨晴春晝暖松花薰得白雲香
錢惟善詩神山自昔聳孤岑天寶六年更
細林煙水微茫松寺小綠窗月色照禪心
明錢溥細林八詠序略山有元旌義士夏椿墓上
有記石爲義士古碑有仙翁彭素雲墓爲素翁仙冢
有石洞竊而深雲出其中爲洞口春雲有溪潭澄澈
如鑑人於此泛月爲西潭夜月有石井源深色瑩大

早不竭為丹井靈源有石灘漾沙日光射之星點點
如金為金沙夕照有道院曰崇真居民聽其鐘聲以
為作息為崇真曉鐘有亭曰晚香夏友文蒔菊之所
亭廢而基存為晚香遺址陳君廷璧列為八景搢紳
王達姚綬卞榮張弼曹時和
時中張寧周鼎次第咏之
王達義士古碑寂歷空山馬鬣荒殘碑三尺帶恩
光輕財重義清名在落日秋風古桂香一代衣冠塵
土盡百年文字雨苔蒼不須拂
拭頻興感峴首燕然亦渺茫
姚綬素翁仙冢坐破蒲龕出死關神辭金闕載雲
間綸音直欲求真迹使節曾煩住此山收拾丹砂歸
鼎內祇留虛冢在人間共傳月
裏雙華表夜靜常時見鶴還
卞榮洞口春雲洞中元氣霽春晴洞口閒雲日日
生暮雨常時催舞石碧桃何處隔吹笙或成五色天
章爛忽墮重巖柳絮輕黃鶴不
歸山寂寞悠悠千載有餘情
張弼西潭夜月寒月澄潭萬頃波涼風一曲羽衣
歌畫船美酒呼龍伯玉杵長生問素娥鵲鷺灘晴漁

火澹芙蓉洲冷露華多秋來直
欲通宵醉白晝歡娛有幾何
曹時和丹井靈源石上仙翁煉丹井嘗聞初鑿費
神工轟雷一夜山根破修綆干尋海脈通玉紫春和
浮沆瀣銀牀秋冷落梧桐誰能
汲取餘波飲飛舉還生兩腋風
曹時中金沙夕照蒼蒼落日照蒹葭紫氣分明護
淺沙滿地黃金買餘景一川流水送殘霞洪爐未就
長生藥義駟難留不返車惆悵
笛聲何處起西山回首滿歸鴉
張寧崇真曉鐘山色蒼茫啼曙鴉疏鐘風引出仙
家丹爐夜候香燒盡客路晨征馬去賒秋應一聲霜
落早村開萬戶月西斜何人熬
睡松窗下枕簟無驚夢九華
周鼎晚香遺址衰草西風沒舊亭了無寒蝶繞殘
馨山中客話當年事地無人懷九日醒滿地落英誰
采掇一川斜日自林壑風流已
逐浮雲去老我登臨兩鬢星
國朝周茂源細林八詠指困高風詎可遺摩挲猶識舊
題碑田文薛邑無留券樊重南陽獨好施賞徵曾來

天子詔蒼涼實繫後人思翳桑一飯尋常事堪笑銅
山只自私人間咫尺鳳麟洲底事茅龍不少留丹
就止餘仙蛻在劍飛空向玉棺求繁花白晝春常寂
獨鶴黃昏嘆未休憑弔無煩歌薤露揭來還作幔亭
遊春山翠靄憑晴雲巖洞時成五色文蔭映樓臺
多氣象光搖竹樹自清芬猶遲雨澤疑龍臥欲變煙
嵐隱豹羣朝暮物華供獨賞何須珪組日續紛
澆秋潭千頃波蕪葭入眼露華多廣寒本是連香漢
池水渾疑作影娥乍咏澄江如練句遙聞越女采菱
歌士龍若使曾遊此笑殺清光照綺羅古木蒼藤
翳短垣仙翁丹井此尋源魚龍海底通玉砂温當年
巔出石根素綆汲來鍾乳滑冰壺盛處玉沙似布金
使節空來往藥鼎何曾授至尊夾岸平沙似布金
西山落日射瑤林芙蓉木末秋光麗桂樹叢中晚翠
深小市人歸沽濁酒危橋客去抱孤琴眠鷗宿鷺真
吾伴病肺於今謝苦吟仙人樓觀白雲封羽客高
棲物外蹤珠斗闌干沈刻漏絳河標縹緲度疏鐘江
遠應千家杵野館鷺鷥聞萬壑松興劇登臨饒濟勝
窗待曙欲扶筇晚香寂寂舊亭臺黃菊曾經處土
栽月黑山村迷曲徑風高籬落斷枯荑誰能載酒娛

陶令空向餐英憶楚才便擬前
谿營別墅秋花重向北窗開

丹井詳古蹟

宋許尚詩人與室俱化陰森松
竹寒時時見孤鶴於此守神丹

甘白泉在東麓

明陸應陽詩泉脈空山側流入翠筠
玉清澈自獨塵月照銅瓶小蘿垂碧
瓊新茶鑄幽賞

處龍井定堪鄰

余山

按說文有余字無余字周伯琦六書正譌云余成遮
切語之舒也又姓借為羊諸切亦姓別作余非謹按
字典余字時遮切余之轉韻為禪遮在府城北二十五
切音蛇姓也余俗作余姑仍其舊

里一統志高八十丈周圍十八里舊傳有余姓者居此

因名焉雲間志按吳興志亦有余山上有東漢余將軍廟

好事者遂指此爲東奈云其高與千山等東西二峯延

亙數里招提蘭若隱見其中望之穠郁深秀遠近皆宜

顧上有三庵中爲靈峯庵今昭慶慧日兩寺按昭慶已廢慧日今

名沐西庵今宣妙寺東庵今普照寺亦廢有秀道者塔有

山月軒有金沙地芥子庵虎樹亭陳志東山多奇石明徵

士陳眉公先生隱於此自名其居爲神清之室爲頑僊

廬其上爲高齋折而北爲清微亭亭之下爲水邊林下

水石俱勝今漸蕪沒矣郭志山上又有白雲晴麓白雲庵東接鳳

凰玉屏庵公北簾等香溪石徑香草溪在山之東一徑穿白石山出旁有亭曰

峯由騎龍壩而下陳罷黛舊園施子野園曰就麓山洗心靈泉泉在塔院內甚清冽

爲聰道人鑿

標霞峻閣

山頂閣名

合昭慶幽居

昭慶後有道人遺

蹤聰道人

構月亭於塔院

宣妙竹林

寺多修竹徐慧曰

雙衣

陸文定留納徐文徵君舊隱

陳仲醇結廬東山爲

貞留袞鎮慧日寺徵君舊隱自號白石山樵

十景

九峯志

土宜茶產筍有蘭香康熙五十九年

錫名蘭筍山

元凌巖詩

三峯高遠翠光濃右列僊宮左

梵官月落軒

空人不見野花山鳥自春風

陶宗儀同邵

青溪張林泉會胡萬三夏雪簑俞山月

高彥武張賓

賜於余山北踰嶺而南訪陳孟剛席上

分韻得船字

桃源只在人間世三老相逢莫問年

清畫喜陪多

士集紫霄應見德星聯香蒸雲液行瑤

翠花簇珍羞

飣綺筵一權歸

來潮正落溪

頭好是米家船

西庵

陳律師所居詳古蹟

雲峯庵

宋許尚詩 路湧金沙地高人此
築庵為詢林下客妙語與誰參

洗心泉

明孫作銘 華亭余山慧日院之東鳳凰山之西南
友人夏士良築別業其地墾辟除治得泉穴舍後汪
洋甘潔不竭不盈因即其坎為池名洗心泉曰吾將
以是著易徵予銘銘曰鳳之脇蛇之蛭凌靈源發元
映相有德噫何居沐陶法濡褐徒招義昌啟榮圖淬
鐵撻績韋觚滌遐覽泣墨朱滋吾德神吾書匪斯泉
乎

茗帚庵

在頑仙
廬西

明董其昌詩 仲舉無心除一室廬鴻有句
寫千峯欲參茗帚閒中意九點秋山雨後容

薛山

在府城北與余山對峙

作在縣西北二十四里
大清一統志按雲間志

高九十丈周圍七里吳地記云薛道約居此因以為名

雲間志山下嘗掘地得石志曰玉屏山形亦肖故又稱玉

屏山志又有景華橋橋為董劍學士亭里人築亭以懷

士苦節碑沈學士父也興雲嶺天雨則嶺上出雲宜晚堂曹時

中雨先生所紫芝巖一名仙花岩仙人牀石形似牀梅花峯

種梅處薛老庵薛道約煉丹得青蓮池舊名羅池產

為十景九峯志

元凌巖詩五峯遙隔水村西薛老曾來隱

翠微牧子唱歌樵子笛貪看明月夜忘歸

錢惟善詩樵牧數家煙火新月明偏照水

鳳凰山在府城北二十三里雲間志作十八里圖經云

山之鎮曰鳳凰以其據九峯之首延頸舒翼宛若鳳翥
故名東枕通波西連玉屏山形修峻孤起無附陟半嶺
則外山拱揖如奧區焉左有青壁高數十仞如削成其
上有虬松古藤蒼森可愛有二泉曰鳳凰曰陸寶故陶
九成有丹泉陸寶祕精靈之句郭志衛宗武秋聲集云吾
郡諸山以杭元目為祖鳳凰東飛來自虎林虎林有鳳
凰山故以雲間為小鳳先文節詩云小鳳梳翎倚碧天
者此也陳志山有南村居陶九成隱居處三星閣徐文貞築供來
儀堂陳徵君築摩霄壁在何氏拜石堂下且止園王元瑞構梅花樓莫如忠別
業東海亭祀東海張公處合山月軒錦溪橋芙蓉莊即徐相國舊址為

十景九峯

志

宋許尚詩覽德來何代嘯歸丹

穴藏甘心化為石萬歲瑞吾皇

元凌巖詩一峯雲氣接蓬萊白石磷磷護

碧苔幾向鳳凰池上望不知何日鳳凰來

錢惟善詩巖頭石是挂槎星煙市人家集

地靈夜半月明仙仗過天風吹落鳳凰翎

明屠隆詩行役坐山樊陰蘿水氣昏寒花生石壁

古路入松根暫與閒雲寂獨嫌啼鳥喧開尊來野趣

隨地洗心魂林響踏空沙川光映紫霞青猿竊山

果童子拾松花風磴千盤折寒江一帶斜僧來背殘

日落葉

滿袈裟

國朝

吳偉業詩碧樹丹山千仞岡夫差親獵雉媒場五

茸風動琅玕實三泖雲流沆瀣漿鳥聽和鳴巢翡翠

花舒錦翼照文章西施醉唱

秦樓曲天牛吹簫引鳳凰

錦溪橋在鳳凰山下

元陶宗儀詩錦溪橋下水平溪楊柳條長拂岸齊
參政寶坊歸幻劫右丞先壟可悲淒漁船桂楫雙雙
短酒店茆簷處處低市井荒涼風景異老鴉啼過
亂雲西自注寶坊參政張瑄先壟右丞徐義

竹堂

宋張耒詩寄題華亭竹堂在鳳凰山下誰道清
貧守冷閒遶山十萬翠琅玕直應流水深相與不待
清風已自寒長伴鳳鳴真自許忽成龍去不
終蟠知君何世無知己豈是王郎獨與歎

慶陽院

在鳳凰山下

山月軒

元華亭俞嘉言允讀
書處陶九成書額

明貝羽記華亭之山有九其秀者曰鳳凰嘉言居
鳳凰之麓其屋若干楹蓄書數千卷日誦其間夜
至四鼓弗休其勤篤若此或天高氣清海月東出迺
視九峯若青芙蓉然歷歷可數欣然有得因名其軒
曰山月久之遊京師中進士第擢行人將命四方西
經太華周流終南太白東抵岱衆謂驄傳千里踰越

險阻蒙犯霜露非其所堪而嘉言略無羈旅無聊之
色後爲吉安幕長改辰州湖大江觀匡廬轉浮洞庭
窺蒼梧衆謂幕職位下簿書事煩非其所任而嘉言
裁決無滯喘傲自若如在山月軒時也或以爲嘉言
遠祖清老嘗有猛虎一聲在山月高之句見賞於蘇
文忠公軒之得名其以是歟嘉言屬余書以爲記
王燧詩九山有月明如鏡月色山光互輝映君家
故業隱山中幾度獨吟秋夜靜夜靜山空月倍明看
山對月有餘情一輪艷彩河邊轉數點螺鬟天際青
自從來作京華客何處卻看山月色鳳臺下晚春
時石頭城畔涼秋夕新月還同舊月華故鄉回首是
天涯但喜人生逢賞事那知明月落誰家知君名紀
神仙闕桂子含香待攀折行看
直舍待花陰未許還山重對月

鳳凰山莊

明徐文貞
階別業

文貞九日自題詩 九日尊曷何處開鳳嶺南
下古層臺全生近解莊榜說深爲衰齡幸不才

庫公山 在鳳凰山南與陸寶山隔溪相對昔有庫公隱

此因名顧志周一里高七丈實鳳山之附庸也陳志諸嗣郢

九峯咏稱庫公素時人有亢桑子三卷相傳鐵鎖金匣

埋於山下青浦王志舊有陸寶村乃陸氏藏寶物之地又有

旗杆石石在田中為庫公奔處洗鶴灘庫公養鶴於此藏書嶺庫公藏書處鼓

琴磯庫公彈琴處覽德坡坡對鳳凰山故名采藥湓庫公采藥往來於此白雪

庵陶九成所築放鹿亭以庫公放鹿處因名聚星崖陶九成攜客痛飲快吟於此合

陸寶村為十景九峯志

明陸深詩序晨登庫公山山形如軸正當鳳嶽地

理家云丹鳳銜書丹鳳銜書下九霄分明形勝見

山椒先秋古樹蒼黃出映日高峯紫翠搖稅地燒花

人未老買船載酒路非遙經行更愛清溪曲若箇准

南苦見招

松江府志

卷七

三

國朝吳偉業詩

庫公石礎掩莓苔千載陰符戰骨哀鐵

鎖自從田父議玉書休為道人開三分舊數江東望

二俊終非馬上才恨殺圯橋

多授受關他劉項至今來

按舊時中九峯補亡詩序以北簪補陸寶之闕而陳

志序列九峯於諸山之前庫公次於鳳凰之下故青

浦縣志九峯志皆以

庫公補存之俟攷

陸寶山

在府城北二十五里

大清一統志

本陸氏家山界鳳

凰玉屏之間山多土少石而土又美人爭取之今夷為

平陸

顧志

元凌巖詩

二峯藏寶樹精神金碧樓臺處

處春溪上落花流水遠老翁疑是避秦人

簪山

在府城北四十里

雲間志作三十里

周圍三里高

五十丈

雲間志

嘉禾志作竹簪俗呼北簪因干山在南又

訛爲北干舊云土宜美箭故名或傳產鐵今皆無有東
向壁內一石中斷相傳爲干將試劍石殆出附會山有
玉竇泉甚寒冽有雨華洞宋張頭陀隱居於此元時遊
人猶訪之今塞顧志元有余瑾亦居此山自號笥隱生故

又名笥山

陳志

元王遂遊幹山詩并序幹山距華亭三十六里土
宜美箭故名橫柳襟帶流石參錯東向壁內一石
嶺中斷俗傳南有干山此則干將試劍石云宋張頭
陀雨華洞久塞玉竇泉殊冽寒可味逢交謝逸人守
眞始獲盡觀山之秀蘊其不羣不附殆類古特立獨
行之士卓卓物表者逸人自九世祖進士仲華韜德
於是至今詩書仁義之澤未艾又居民率多壽耆詎
非風氣淳厚所致耶逢既遺逸人北邱畊隱歌復表
是山書置山僧德成庵壁後有青鳥者流過焉庶達
之言有贊也時至正甲辰仲春望同遊詠者謝守眞

陸綱余寅釋德慧鄭里謝椿地主多儒雅居僧亦
不羣柳橫孤嶂立野闊九山分石裂蒼龍氣泉淳玉
寶雲燕巢猶舊月馬戲幾斜曛童孺振趨
慣朋儕唱詠勤比鄰行可接芰製莫輕焚
明陸深月夜簾山詩樓歌欲停山月吐月影照人
清可數疑心已斷壁間蛇壯氣猶驚草中虎清溪曲
曲淡不流此月
從來德故我
曹時中九峯補亡詩并敘陸寶山為第二峯其土
人爭取之夷為平陸矣今當以簾山補之山頭日
月常吞吐山下亂石難名數小者臥伏如羣羊大者
踞踞如虬虎生材中矢因得名十笏天留給孤土茲
山台補九峯亡後
世視今應作古

玉寶泉

宋張耒詩并敘友人寄雲間玉寶泉聞泉上多紫
竹地吉泉甘慶所鍾直疑遙與惠山逢曲肱煩暑
多消盡如臥
蕭蕭紫竹風

福泉山 在薛山北下皆黃土初因其形似號覆船後以井泉甘美易今名隆然而起僅十餘畝殆古所謂息壤也又北爲駱駝墩亦以形似而名又稱爲落彈墩古有道者薛冷雲嘗居此又名薛道山陳志前青浦分縣以福泉名本此青浦王志

柘山 在府南六十五里柘湖中按陳志引吳地記云柘湖周圍五千一百十九

頃中有小山今湖已涸山在平陸山生柘樹因名旁有石其狀如牛三

姑祠實始於此鄉人歲首祠焉而澱山亦有祠其神甚

靈俗因訛此爲小澱山云顧志其南有峯石若人壘者撼

之動然牢不可傾金山縣志

宋王安石柘湖詩并序
湖中有山生柘故名柘湖
舊記云秦有女入湖為神今有廟
柘林著湖山菱
葉漫湖濱秦女亦何事能為此湖神年年賽
雞豚漁子自知津幽妖窟險阻禍福易欺人

秦山 在府城東南六十五里
一統志高二十八丈周圍

一里九十步
雲間志俗呼為秦望謂始皇曾登此望海故

名按嘉禾志寰宇記海鹽崑山俱有秦望山亦謂之秦

駐又載秦皇馳道在華亭崑山南按三邑封境鄰接諸

山相望不百里以馳道參之豈祖龍俱嘗駐蹕而有斯

傳乎
按晉樂資九州志海鹽縣有秦徑山魏鄆道元水
經注作秦望山唐陸廣微吳地記作秦住山宋常

棠敵水志作秦駐山皆係海鹽縣又按樂史寰宇記崑
山縣下有秦住山在縣南三十里山南帶海上有烽火
樓臺吳時以望海寇又引吳錄云一名望山昔始皇登
此緣以為名嘉興縣志云秦望山始皇登此以望海是

古來論秦望山者俱未及雲閒惟海鹽圖經云海上山如雲間臨安俱有秦望之名不獨會稽及縣有之也據此是雲閒當有秦望因山之陽有僊人洞外僅容趾內

諸家之說備考
深黑嘗有秉燧入者行漸寬廣未及半燧而返其巔

生異草取藏笥中久而沐以湯鮮翠如生因名長生草

有坑產白堊以音與惡同因呼白善云陳志上有萬壽寺

其南有井味甘色白人呼白水泉又有老人峯飛來石

石馬磴翠微峯龍遊洞試劍石白龍洞并僊人洞為秦

望八景雜見詩人題咏金山縣志

唐薛據詩南登秦望山目極大海空朝陽半盪浴
見朗天水紅溪壑爭噴薄江湖遞交通而多漁商客
不悟歲月窮振緝迎早潮弼棹候遠風于本萍泛者
乘流任西東茫茫天際帆樓泊何時同將尋會稽迹

從此訪

任公

查山

雲間志作遮山在縣東南七十里

周圍二里高五十丈

雲間志

在張堰

南稍東去秦山十餘里舊名遮錢野人袞定為查據集

仙外傳云查玉成煉丹海上小山今山臨海上有浴

丹井而鄉名又曰僊山其當為查無疑也顧志上有仁壽

寺趙松雪題額有煉丹室在浴丹井西皆查仙遺蹟金山

縣志

元王逢遊查山登虛翠閣詩

仙迹遺丹穴僧坊倚

石林中有龍甲雨三日虎踞嶺青薛崖容立黃茅海

色侵為尋霞上

句鐵杖落清音

陶宗儀遊查山分韻得日字

雪後天象清維時月

初吉三老山中居杖藜乘興出總訝神仙流衣冠兼

散逸叩我東家門造我讀書室主人重流連開尊敘
真率傾寫問別懷分義等膠漆送別阿梁上悵然若
有失快行莫遲

遲猛虎嗥落日

明張璣遊查山十景詩兩峯接海一徑雙峯峙

清池俯遠林朝昏連蜃氣高下通龍吟佛閣綠蘿暗

僧廊入竹深登山與航海我意愜幽尋雙杏凌霄香

雙樹矗天低輪囷翠巘西虎頭無筆畫鳴廊有詩

題枝拂將崩石根行不帶泥煙雲時出沒寒氣鳥難

酒香池印水清池環寺口靜影浸岩巖感草魚

翻島飛松鶴過橋一窪時積瀑數斛不通潮會見天

花落香清未肯消丹井乳泉飛仙遺井在山氣

畫氣氤氳甘積金丹雨香含玉液雲居僧移石護過客

捉瓶分不遜中冷一味偏於海國閑僧房石壁山

半起青蓮嶙峋架一樣九年堪對坐十笏任歌眠徑

折行妨足門深立礙肩幾經歷寒暑今古色蒼然

仙洞天泉懸崖屋儼然亂石護雲壘天上樓何處

人間洞已傳鑿空憑鬼斧驅駕藉神鞭六月生寒色

林端挂壁泉叢林箭石一段峻嶒石何年飲羽

翎叱羊應未起射虎已成形潤積寒泉白香披舊繭

青朝來山雨過斑駁鎖痕腥絕澗龍巖翠
圖閣巉巖曲徑逢陰風飛濕苗夜雨拔枯松磊落
收鉢崢嶸已化龍深潭如得水那禁入雲蹤北
翠屏削劣石峻峻巍然立數層巖紅霞泛樹樟
雨浮藤危許雲中見幽宜月下登幾回同躡屐荷杖
一閒僧南坡膝印白石鄰鄰處仙蹤向未漚俯
身曾拜斗屈足爲朝眞苔蘚三分蝕煙霞雙迹
新遊人休踐履絕不受埃塵

煉丹室

朱范成大詩聞是查仙舊隱居蟻峯絕似小蓬壺
雲深未到采芝洞雨小先尋煉藥壚洞下草香疑可
餌林間虎伏試教呼閒身儘辦供薪水定肯分山一半無

浴丹井

明張世美詩憶昔看山逸興生興來今復看山行
石泉尚識丹砂舊寺榜猶題松雪名

金山

周十里高七十丈

雲間志

在府城東南海水中舊志

云去府九十里山有平坡可二十人坐其北有寒穴泉

志周康王東游築城南接金山曰金山城去城十里許

當潮勢奔猛處有周公墩蓋古人所築以防海者或因

康王金山城而附會以周公墩耳按康王城周公墩金山縣志謂本自樞要

然二說荒遠難稽陸清獻公論修志凡古蹟可疑者例不載姑存之俟考明初設金山衛以

此爲名每歲武臣率兵入山巡邏海寇謂之搜山寧紹

諸州漁人多棲泊其間云陳志上有忠烈昭應廟祀漢博

陸侯事載吳國備史以英烈錢侯配山之北古海鹽縣

後淪於水元末潮蓄山北址下瞰橋井猶鑿鑿傍海居

民沈氏於井中得碑摩挲其文曰鸚鵡洲界金山縣志按水經

注江水又東徑數父山南對歙洲亦曰歙步江之右岸當鸚鵡洲是洲應在荊州城外金山去荊州幾二千餘里井中碑文或亦當時附會

寒穴泉

詳見古蹟

小金山 在海中楊維禎不礙雲山樓記云予嘗北渡揚子訪金山之勝而不知松之南又有所謂大金小金山出沒於雲海之中如壺嶠之在弱水外也

酒瓶山

在青龍鎮

詳古蹟

城山 高八十丈周五里圖經云山狀周環如城因名

陳志

千山後一支北引曰繩山俗傳天馬韁也吳音繩與城同疑城山或因此而誤

巖山

雲間志在縣西北二十七里周圍四里二十二步高

四十丈

雲間志

今不可考陳志云漢嚴助嘗隱此山

土山

雲間志在縣西北二十五里華亭縣志在縣東南三十五里亭林鎮廣數十畝不知何據高二丈

周圍一里九十步

雲間志

陳志云越絕書春申君治以為

貴人冢今嘉禾姑蘇俱有之

按顧志城山巖山土山未詳所在舊志云城山高入十丈與余山等是千山猶出其下今諸峯歷歷可數安得有此惟余山前一支回繞如牆疑此為城而巖則未見土山去府西南二十五里則當在涿涇斜塘

之閒而亦未之聞也或者其陸

氏家山之類乎然不可考矣

又按今余山兩麓有石壁高數仞彎環如半月形在

沐堂寺殿後顧志引作城山較陳志為近春申貴人

冢越絕書吳地外傳云去縣十六里則在今蘇州府

境嚴助起家賢良漢書本傳無隱居之說陳志皆近

山川志

山

附會不若顧志爲質實也又按雲間志無小橫山鍾賈山盧山庫公山福泉山柘山而有城山土山嚴山安知非古今異名耶今福泉山土無片石其亦土山之類乎

張管山 在劉夏鎮南三里相傳張管二姓居此故名石坡半畝餘平列田中山根極遠顧志所謂橫泖南至樓下張管山爲橫塘卽此山也

許山 周五里高五十丈雲間志一名焦山在金山東距衛

五十八里郭志按許山一作許山在灘山正北五里志灘山許山黃盤山皆屬乍浦水師營統轄蓋洋中浙界山也

浮山 在縣東南一百里海水中周圍一里一百步高一丈雲間志按華亭志浮山卽玉盤在金山東俗呼王盤乃玉字之訛又名龜山皆象形考鄭若曾萬里海

圖鄧鐘籌海重編有黃盤而無玉盤浙江通志云黃盤與獨山相對今此山在金山東為乍浦出東洋要道其山有五西為上盤東為下盤上盤直南里餘一小山名沙一麓下盤直南里許兩小山南北相並北曰裏條南曰外條華志所云非是又按大龜山小龜山海鹽志云二山在澈浦鎮東北去金山更遠華志亦誤

勝山 在金山西松郡前志有浮山而勝山不載或云一

山而易名爾郭志按華亭志勝山即小金山又名達

又按金山志松江前志有浮山而勝山不載新志衛志

有勝山而浮山不載疑一山而異名又云即小金山並

竹嶼山 周六里高五十丈雲間距衛東南七十八里在

許山左郭志

達岸山 周八里高二十五丈雲間距衛東南八十里郭志

蘇山 周一百五十步高二十丈雲間志 距衛八十八里郭志

洋山 一作羊山郭志 按羊山有大小之別大羊山江漸

山在蘇州洋與蛇山相近則小羊山在太倉州界非郡境也因此山係海防要地仍從舊志附焉

按小羊山屹立大海高百餘丈周圍約七八十里有

三峯矗立其最南者曰臘犁峯次曰觀音頂次曰和

尚頭山麓有十八畝如大湖海舟泊此可避三面風

風海水鹹不可食惟山嶺有一池泉淡可汲港口西

山脚觸船易壞名閻王嶺背有路橫互如虹俗名

金扁擔其北有天后宮三官堂楊公廟廟西壁有海

闊天空碑為前總制噶尚書禮立又東有仙鶴亭觀

音閣西行過北山紫雲嶺又東為施家壩又東出山之

底輿折而東通黃泥嶺又東為施家壩又東出山之

東北麓有嶺曰野人嶺嶺下曰野人國轉而南為羊

尾子套南下為石籠潭又南曰泥沙套康熙間追勦

鄭國興於此今無居人因陣亡者為厲故也又南曰

錢莖嶺轉西曰南小嶼諸套有六廠皆內地人民僑

居而成家者山有魚市三四月間曰黃魚汛市最盛

五六月間曰蝦米市七八月曰海蟹市
九月曰蝦蟇醬市過此則市無居人云

松江府志卷七終

松江府志卷八

山川志 水

府境經流巨浸

府東南環海松江襟帶于北黃浦綿五

飯三泖中流關鍵西南涵浸相屬故首列之以為漕谷水漚瀆略仍舊跡以類附焉

海 在府東八十里南九十里至元嘉禾志松江與黃浦會而

入踰口

顧志

吳志云府南境與紹興寧波相望天日清明

南岸諸山皆厯厯可指

方輿紀要案至元志於海鹽縣云海在縣東五里南纔二里

與明越二州相對耆老云深夜籟寂時越山雞犬之聲相聞嘉禾志及證與此同是顧志所引耆老二句專指

海鹽故

東與寶山相連

金山志

自金山東過勝山為南洋

又東南為南大洋北至高家嘴為蘇州洋又東為東大

洋自南大洋又南歷閩廣通南海自東大洋北歷山東
通遼海宋元間入貢皆由青龍市舶司後漸徙于四明
貢者不復取道沿海皆淺灘物產不逮閩浙百一俗號
窮海獨鹽利爲饒自清水灣以南較川沙以北水鹹宜鹽
故舊置鹽場近有沙隄壅隔其外水味浸澹薄難就
而煮鹽之利亦微矣

陳志

案海環府東南起上海縣黃家灣上寶界牌抵金山
縣白沙灣江浙界牌延袤二百五十餘里內洋北與
崇明相對中流以天分水線爲界蓋南北之中略分
高下如線吳松洋面皆隸寶山外洋則川沙南匯各
灣至吳松洋面皆隸寶山外洋則川沙南匯各與
崇明鎮標右營公同巡哨謂之公哨是洋面皆非郡
境也舊志言南通閩浙北通遼海東接日本諸番但
言所達之路非志府境之廣也又案浙江通志康

木牌而轉建碑勒石以垂永久嗣後浙江海汛以大
羊山為界大羊山脚以北之洋島屬江南管轄江南
海汛以馬蹟山為界馬蹟山脚以南之洋島屬浙江
管轄自西至東山島洋面俱以二山為準各照分定
界限巡哨勒石羊山永為定例又太倉州志乾隆五
十五年勘定馬蹟山東南之盡山歸浙省管轄東北
陳錢花鳥二山歸江南省管轄馬蹟南
之黃龍梅子二山則全繫浙江管轄
附近時內洋陰沙凡放大洋者自上海縣東門開船二
潮時僅深三尺船行傍東岸又三十里至東溝口水中有寨城陰沙
陰沙船行傍西岸吳松口外有欄門陰沙起自楊家嘴至
沙船行傍西岸吳松口外有欄門陰沙起自楊家嘴至
老寶山嘴約長二十里因避此沙故出口東北行七八
里即靠南岸轉東南行十八里至老寶山嘴但南岸亦
有沙脚須離岸數里老寶山嘴外有欄門沙脚打水必
深三拓然後取卯酉針正東行四十餘里至水深五拓
處須拋泊候潮始行因前有中陰沙甚淺潮漲乃可過
也潮漲開船轉甲字針三十里至崇明十墩外有沙脚
不可近岸打水深三托即拋泊候風放洋以西南風為

湖順正南次之若遇東南候潮落折戢行自十墩開船
川即西針正東行北避崇明大陰沙脚行三四十里南
面又有銅沙橫互數十餘里須居中行水深六七托打
見青脂泥底方是正洪地名排沙洪又五十里至茶
山西脚若由銅沙之南行駛南岸又有木貓沙脚亦須
防備中洪深五六托名施家路正東行亦至茶山開放
洋大

海潮 海鹽圖經云海潮東北自金山而來西南至浙

江名上潭自浙江回厯海寧茶灣金山志作黃至澈浦為下

潭金山在海中屬華亭今屬金山縣在南匯之東北明陸文裕云閩

諸鄉父老言潮起于南匯南匯始若湯突旋分兩派南派

曲也在邑錢塘江北派北派入楊子江南匯南匯者海之一

東南百里至於海潮往來如人呼吸晝夜相應此一氣

自然之候也郭志案海潮各處不同如臺灣潮汐南

北相反半線以下潮流過北汐流過南半

山川志

線以上潮流過南汐流過北廣之石洲山北日一潮山
南日再潮環之潮汐半月東流半月西流琉球潮候較
福建率後三下所之潮汐時刻與松郡略同而湧海之
勢較甚考古來論潮者數十家惟乾鑿度虞翻易注俞
石澗周易集說諸解最為精確實叔蒙海濤志封演見
聞記俞靖海潮圖序朱子語錄邵子皇極經世皆宗其
說而暢達其旨蓋潮汐盈於朔望消於朏魄虛於上下
弦息於朏朧故每月朔日午潮降而為子午潮後半月
望日則子潮降而為午潮降而為子潮後半月復然大
月之潮五十八回小月則五十六回遞與月應今人以
權輿抱朴子華嚴經越紀書風土記諸說皆未可信先
時潮汐由吳松江口入朔望率以子午為信萬厯八年
潮決李家洪去故道南二十里許潮汐遂早數畧家黃
界牌去海二十里今界牌數武以是松江故道悉被渾
泥湧入易于淤塞上海縣志

海陞 天雲忽垂一海盡黑若有漚泡在釜沸泣土人
以爲海陞發時多在晚及夜恒有海鷗千百羣鳴助其
愀惕便若崩濤已從空半瀉來海鹽圖經凡陞只在一處占
候云南陞風多北陞雨多謂陞或往南或往北也金山縣志
海人驗候云山擡海潮來海陞風雨多擡謂海水擡起

常所迷望之山皆在目也顧志

唐周繇望海詩 蒼茫空泛月四顧絕人煙半渡中華岸旁通異域船島間疑有國波外恐無天欲作乘槎客翻然

去隔年

元殷弼海上詠懷詩 吳松江口海門東萬里京師咫尺通白柁紅旗三月浪紫簫花鼓午潮風十年荏苒軍儲絕四境蕭條水陸空况忍疲民窮到骨夜深發婦哭蒼穹

明胡儼詩 積水渺無極 歸墟那可窮 百川宗浩蕩
一氣接鴻濛 若木崑崙外 扶桑日本東 蜃樓衝霧白
鯨鬣鼓波紅 驅石何年到 乘槎有路通 光分歆落月
聲急度長風 潮汐盈虛候 魚龍變化工 修鱗初擊水
巨鵬已搏空 河伯心神駭 天吳氣勢雄 重淵陰火冷
孤嶼曉光融 方丈瑤臺隱 珊瑚鐵網籠 犀燈愁怪室
蛟涕泣珠宮 幽莽迷寒鵲 蒼烟鎖斷虹 盧敖遊汗漫
徐市和兒童 蜚客舟如葉 鮓翁髮似蓬 波斯徒省省
精衛苦匆匆 玉帛沈沈 如葉鮓翁髮似蓬 波斯徒省省
流繫犧牲報祀豐 沈沈 如葉鮓翁髮似蓬 波斯徒省省
馮允中詩 九州一振倚 浮空江漢無 分日夜東溟
沌直包天 一外乾坤原屬有 形中望窮島嶼神仙杏
幻結樓臺 氣融靈秀獨當 當 當 當 當 當 當 當 當
何處是五雲 深處冥鴻濛 濛 濛 濛 濛 濛 濛 濛 濛
張之象詩 茫茫滄海浩無涯 五色樓臺簇 簇 簇 簇 簇 簇 簇 簇
蜃霞瑤島但看明 滅外不知何處是仙家 家 家 家 家 家 家 家 家

松江水經注云岸嶺山去太湖三十餘里東則松江出

焉上承太湖逕笠澤虞氏曰松江北去吳國南五十里

白湖東北流逕七十里江水奇分謂之三江口

禹貢雖指日南

江既入太湖而東為松江則無更從餘姚入海之理道元曲為此說以應漢志南江在南之文按鮑明以水經辨證禹貢耳實則道元已自言之故下文云此亦別為三江五湖不與職方同又云庾仲初揚都賦注遂後儒聚訟之三江也蔡傳舍蘇說而取揚都賦注遂後儒聚訟今作志乘在松言松則水經注及韋昭國語注庾仲初揚都賦注張守節史記正義可以兼采蓋一江西南上昔賢以此解松江非謂即禹貢之三江也

七十里至太湖名曰松江古笠澤江一江東南上七十

里至白蜺江名曰上江亦曰東江一江東北下三百餘

里入海名曰下江亦曰婁江於其分處號曰三江口

史記

正義案正義與顧夷吳地記庾闡揚都賦注同而韋昭則以浦陽錢塘松江為三江郭璞以浙江松江岷江為三江說雖不同而于松江無異辭也舊志松江下三江之說甚詳但嫌實主稍混故略舉其端

今松江自吳江縣逕甫里

即浦直

過華亭

今屬青浦

入青龍鎮

自湖至海凡二百六十里

雲間志

去郡城七十四里

陳舊志

名吳淞江後以水災去水從松

案松江見後漢書左慈傳所少吳松江鱸魚句

吳松江見陳書侯瑱傳與景戰于吳松亦曰松陵江元

豐九域志云無水旁明史河渠志始作淞同自吳江長橋

今或以爲自吳江縣至湖州府塘路也

東流至尹山之方輿紀要自太湖分流出吳江縣城東南

折而東南爲角直浦餘與北流合龐山湖又東北逕唐浦

脈絡紛紜舊時自大小吳家十八港出吳松江縣之長橋

過釣雪灘橫越運河進浮玉洲橋而達龐山湖一支自

入大斜港達吳松江爲正流今吳家中激諸港已淤來

水甚微湖之大溜自瓜涇港至夾浦橋北越運河而來

其自寶帶橋分流入尹山橋者特支中之支耳北流至

顧志以尹山爲吳松正流豈今古之勢不同歟

浦里東北流至澱山北合趙屯浦又東合大盈浦又東

合顧會浦又東合崧子浦盤龍浦凡五大浦至宋家橋

轉東南流與黃浦會而入海自湖至海凡五匯四十二

河沙顧浦乃江湖與湖水相會合之地也古云九里為

一灣一灣低一尺二百四十里到三江口三百六十里

到大其將入海處別名滬瀆江合吳松而東達海皆曰

滬其別派自吳江分流由急水港鍾為太湖曰薛澱

此即史記正義上江也今婁江塞而東江亦合松江出海則所存

惟一江耳郭志

宋葉清臣松江秋泛賦澤國秋晴天高水平遙山
晚碧極浦寒青循游具區之野縱泛吳松之濶東瞰
滄海西瞻洞庭檣葉欲下斜陽半明樵風歸兮自朝
暮汐留滿兮誰送迎浩霜空兮一色橫霽景兮千名

於時積潦未收長江無際澄瀾方興扁舟獨詣社橘
初黃汀霞餘翠驚鷺朋飛別鵠孤唳聽漁榔之遞響
聞牧笛之長吹既覽物以放懷亦思人而結歆若夫
敵寇既平霸圖初盛均憂待濟同安則病魚貪餌而
登鉤鹿走險而忘命一旦辭祿揚舲高泳功崇不居
名存斯令達誠先明孤風孰競又若金耀不融洛塵
其蒙宗城寡捍王國爭雄拂衣洛土震耀江東拖翠
綸兮波上瞻蟬翼兮杳中倘卽時之有適遑我後之
爲憫至如著書笠澤端居甫里兩葉汀洲片帆烟水
夕醉酒鑪朝盤魚市浮塵外之物嘯傲人間之世
富詞客之多才劇騷人之清思緬三子之清徽諒隨
時之有宜非才高見棄于榮路乃道大不容于禍機
申屠臨河而蹈壑伯夷登山而食薇皆有爲而然爾
豈得已而用之別有執簡仙瀛持荷帝柱晨輶史氏
之筆暮拂使臣之斧登覽有澄清之心臨遣動光華
之賦何從欲之流滋慰遠遊之以懼肇提封之所履
屬方割之此憂將潛疏於匯川期拯濟乎吟疇轉白
鶴之新渚據青龍之上游濯埃垢於緇袂刮病膜乎
昏眸左引任公之釣右援仲由之桴思勤官而裕民
乃善利之遠猷彼全身以遠害蓋孔藏于自謀鮮鱗

山之真茶滿甌少遐俗士
之則亦未可爲茲江之羞
宋程俱松江賦鳴夷子皮
子湖東流方將家五湖以
巨魚縱大壑脫若六驥馳
收雲干里一碧狂瀾不興
出沒引風檣以悲嘯趣烟
而問津焉日三江之湊實
江洶洶渾渾溶溶洋洋孤
螺黛於微茫五湖之中大
寒暮烟屯其疊翠冬實巢
之所淵山中人之忘世與
月之灣草衣木茹泊若追
則歸墟王百谷於一吸環
決泝燭龍洗光於咸虞由
志尙可以朝海門而暮方
搏者扼其吭方趣南則遺
攬衆物之會莫若退觀平
相望散荒墟於垓塊識斷
流而四顧陰靈鬱興不辨
雲水天高日出一萬頃在
目中

者五湖也岡岫相屬如走如伏冥濛突兀乍見乍失
者包山也據松江之上流窮海道於一葦時燭首而
斯盡固可以訪漁樵而種魴鯉亦優游而卒歲矣吾
子以爲何如子皮曰然務外游者有待樂內觀者無
窮吾方以日月爲燭六合爲宮參天地以爲友從四
海之諸公乘雲氣御飛龍指包山於遺磔視五湖於
一鍾松江之勝又安能芥蒂於胸中乎後松江賦
程子既爲松江賦又安能芥蒂於胸中乎後松江賦
夜夢有丈人頽然而長身黧色而修髯叩舷而稱曰
松江之勝吾子之詞侈矣然子亦聞吳越之遺事乎
唯而答曰長橋臥波截江之衝飛梁疊架排霧橫空
萬景所會而垂虹屹立乎其間吾嘗登垂虹顧二渚
尙想夫霸國之爭雄方其踐忍烏喙差耕石田禍起
腋下謀悟機先則吳軍江北越軍江南殺氣朝合軍
聲夜嚴銜枚北渡奮爲兩翼方風馳而霧障頓雷轟
而電擊吳卒麋潰江流赭赤羣夫椒之世仇償會稽
之膾食於此蓋夫子之雄績乃自太湖過橫山亂越
來之溪登姑胥之臺弔亡國於游鹿指血化於黃埃
挽餘艘以凌江捲旌旗而南歸則貪天子於此退身行
意揖句踐而長辭蓋與夫舅犯之貪天子推之獨賢

歌龍蛇而激憤塊然與喬木而偕燔者不可同日而
言矣聞者五季焚亂錢鏐與蘇據都乃淮浙之
必爭徐約先拔孫儒繼焚彼得之不能以歲月守我
守之不能以歲月寧則江之兩厓相爲二城鎮威武
之右境過淮南之寇兵實用武者之所憑版圖入朝
置爲縣治畫井疆設羣吏舉畝某別居廬鱗次帶以
千尺之橋捍以百里之塘舟與所通樓觀相望會城
邑之幾時翳喬木之蒼蒼矣吾嘗歎曰一江方東雖
逝不流越世事之萬變去莫知其當歎曰一江方東雖
所由今之松江其昔之松江邪抑夜半之藏舟失萬
世於俯仰盡賢愚於一邱夫子亦嘗弔抉眼之忠魂
而訪伏劍者之靈游不乎子皮不對顧謂西子援琴
而歌曰霞雪紛兮雲霏霏帶長欽而佩寶璫兮嗟二
安適而不歸歲婉婉而將暮兮路既壅而中迷嗟二
子之不返折疏麻而舉杜若羌搖搖其遺誰餘
音未息蓬然而覺掉頭載歌付千古於一笑
唐宋之問渡吳松江詩宿帆震澤口晚度松江濱
權發魚龍窟舟衝鴻雁羣寒潮頓覺滿暗浦稍將分
氣赤海生日光搖湖起雲水鄉盡天衛
嘆息爲吳君謀士伏劍死至今悲所聞

劉長卿松江獨宿詩 洞庭初下葉孤客不勝愁
月天涯夜青山江上秋 一官成白首萬里寄滄洲久
被浮名繫能

無愧海鷗 白居易松江觀魚詩 震澤平蕪岸松江落葉波在

官常夢想為客始經過 水面排曾網船頭簇綺羅朝

盤脂紅鯉夜燭舞青蛾 雁斷知風急潮

平見月多繁絃與促管不解和漁歌

杜牧吳松夜泊詩 清露白雲明月天與君齊

權木蘭船風波烟雨 一相失夜泊江頭心渺然

許渾泊松江渡詩 雨故國今何在扁舟竟不歸雲移

山漠漠江闊樹依依 晚色千帆落秋聲一雁飛此時

兼送客憑 檻欲沾衣 碧樹吳州遠青

龍龜蒙松江懷古詩 蠡烟水暮沈沈

山震澤深無人蹤 范蠡松陵清淨雪消初見底新

皮日休松江早春詩 船無一事分明數得膾殘魚

安恐未如穩憑船 舳無一事分明數得膾殘魚

吳融松江晚泊詩 吳臺越嶠兩分津萬萬檣

烏簇夜雲吟盡長江 一江月更無人似謝將軍

宋陳堯佐吳松詩 平波渺渺烟蒼蒼
菰蒲繞熟楊柳黃扁舟繫岸不忍去
秋風斜日鱸魚鄉王禹偁泛吳松江詩
帶篷疏薄漏斜陽半口孤吟未過江
惟有鷺鷥知我意時時翹足對船窗
范仲淹吳松江上漁者詩 江上往來人
但愛鱸魚美君看一葉舟出沒風波裏
司馬光江上漁者詩 秋風索索沿江起
樞過烟波十餘里長蘆瘦竹映漁家
燈火渺茫寒照水蘇舜欽松江長橋未
明觀魚詩 曙光東向欲曉明漁艇縱
橫映遠汀濤面烟生昏落月嶺頭斗
轉混疎星鳴榔莫觸蛟龍睡舉網時
聞魚鱗腥我實宦遊無况味擬來隨
爾帶笻簪梅堯臣憶吳松江晚泊詩
念昔西歸時晚泊吳江口回隄遡清
風澹月生古柳夕鳥獨遠來漁舟猶在
後當時誰與同涕憶泉下婦范致虛
泛松江詩 黛潏峯巒安用染鏡澄湖
面不須磨已驚張翰鱸如玉想見西
施髻似螺目斷樓高知水闊雲開山
盡見天多吾家本是烟波主好仿漁
翁一曲歌

劉宰松江道中詩 久作松江夢重來泛短篷淡雲
飛急雪枯葉戰狂風烟外三家市波心一釣翁鴟夷
身計了吳越等成空
蘇軾與秦觀參寥會于松江詩 吳越溪山興未窮
強扶衰病過垂虹浮天自古東南水送客今朝西北
風絕境自忘千里遠勝遊難復五人同
舟師不會留連意要看斜陽萬頃紅
元方夔舟泊松江詩 蕙江幾度醉張翰屈指今纔
二十年昔日米囊愁破釜暮年詩卷壓歸船飛飛燕
子依風席漠漠楊花點客艤草遠
烟濃迷處所鄉心飛去白雲邊
趙孟頫吳松江詩 壯氣浮孤劍餘生寄短篷戰塵
昏夜色積雪睨春風北望旌旗闕南歸郡邑空江花
與江水客
思兩無窮
黃潛松江舟中詩 山房偶爲故人留又領飛雲過
別州白浪干花帆一葉茫茫天地此生浮 移舟夜
泊華亭縣忽聽吳歌思渺然最憶
殿山湖北寺白雲堆裏看青天

朋 詩	醉 書	半 江	倪 璚	岸 與	呂 誠	與 遠	周 馳	盛 酒	光 楊	柳 西	張 憲	垂 地	貢 師	斗 踏	鄉 驪	荷 青	但 見	風 秋	蓬 柳
吳 松	鼓 松	雲 松	畫 松	秋 連	渡 吳	還 僧	松 舟	羊 裘	柳 雨	東 一	賦 松	寂 無	泰 吳	浪 歌	倚 以	山 蹀	流 沫	刺 湯	
江 上	松 他	翠 當	山 色	橋 歌	江 詩	上 江	中 詩	吳 表	無 邊	篙 綠	漁 者	披 衣	松 江	行 之	滿 酌	盤 青	浮 波	松 江	
米 家	相 從	松 聲	贈 潘	側 平	上 九	久 客	封 齊	海 興	秋 孤	水 蓬	詩 短	獨 坐	漫 興	樂 其	金 羅	青 螺	片 帆	江 甚	
山 川	船 遲	隔 渚	詩 問	仁 詩	江 江	思 歸	論 功	美 何	風 鳴	九 點	輕 舟	夜 半	白 月	何 拍	銅 干	忽 過	雪 舞	望 吳	
志	近 龜	氛 又	潘 耶	吳 松	江 水	未 能	歸 未	處 人	夷 青	山 落	白 髮	撥 刺	滿 天	銅 干	羣 多	婆 娑	如 擲	吳 諸	
	龜 蒙	舊 宅	江 上	春 水	巧 花	題 書	歸 未	家 不	夷 青	照 中	翁 往	魚 時	江 水	銅 干	放 情	綠 淨	篙 師	吳 諸	
	似 燕	前 致	遇 楊	綠 搖	岸 岸	附	未 能	下 冒	夷 青	不 盡	來 常	一 鳴	平 銀	銅 干	盍 買	已 消	絕 叫	吳 諸	
水			德 我	蕩					夷 青	春	在	河	河		買 鱸	菱 與	雁 起	秋	

鴻交泛泛聊憑書畫度年年槽牀滴雨誰沽酒破
蒙頭獨坐禪莫學山僧空載月主人情重更留連
又聞松江竹枝歌因效其聲
葉青青柿葉黃要寫新愁寄音
又畫寄王雲浦吳松江水漾春波江上歸舟發
權歌邀我江亭醉三日鳳笙驚吹拂雲和又寫松
江山色并詩贈子俊茂才窮冬舟過吳松渚千里
交歡少松呂范張一室小如壺雜黍時時慰羈旅阿
兄彈琴送飛鴻讀書頗有沈潛功阿弟煮茶鼓石火
滿江春雨聽松風圖書四壁醒愁睡隱几嗒然忘世
慮扁舟一葉五湖遊身與閒雲共來去三月六日天
氣清爲爾詠出詩無聲袖有青銅錢二陌爲余沽酒
作魚

羹任士林季冬上浣六日曉發松江詩冬霧比春濃

舟行口未東可能辭物役豈敢怨塗窮游興乘江水

交情付曉風流年今

白首何口慰飄蓬
陶九成曉發松江詩客裏東風促去程沙棠舟小
布帆輕衝人鷁鳥雙雙起近水桃花樹樹明故喜吳

松堪寄食不愁江漢向屯兵經綸

事業成盧鄒一寸葵心向日傾

明高啓泊吳松江詩葵心向日傾

波三百里歸興與無窮江淨涵素空高帆漾天風澄

晚色海霞銷秋芳渚蓮歇心期弄雲月迢遞辭金闕

衣忘機舊鷗鳥相見莫驚飛久別釣魚磯今朝始拂

城郭喧遠適滄洲趣乘潮動旅榜霧散寒江曙蒼葭

靡靡出白鳥翻翻去不識野人村舟中望高樹遭時

嘆有棘極物漸無具不識野人村舟中望高樹遭時

向此鄉居飄零復何處上花枝日日開行人頭白不

袁凱吳松江上詩流水上花枝日日開行人頭白不

能來請看門外東流水上花枝日日開行人頭白不

流更不回行人白髮苦相催只恐詰朝風雨惡夜深

燒燭亦須來千株雲錦照江沙上青旗賣酒家

莫怪狂夫狂得微吳姬玉手好琵琶江花紅白最

堪憐莫惜看花費酒錢他時白髮三千丈縱使頻來

不少年松江水碧碧于天水上行人坐畫船記得

吳兒竹枝調爲君高唱百花前日行花前金叵羅

百年能有幾經過西起吳江東海浦茫茫沙塗皆沃

多又沙塗行過西起吳江東海浦茫茫沙塗皆沃

國朝

土當時此物不歸官盡養此地飢民戶紅尖小麥畝	二石荻蘆輪國竟三尺紛紛赤線何足論瓜芋青秧	密如梅飢民得此不復飢昔無一物今五衣子孫相	能前二十載飽暖得與平民齊君思如天不可負君思	家犬馬厭菽粟强家下陳盡珠玉君不聞江頭浦邊	三萬家秋雨	秋風夜無燭	顧利賓詩吳松三萬六千頃雷澤與之俱渺茫鴻	雁一聲天接水葉葭八月露為霜微風遠引漁人笛	落日偏驚賈客航三十年來	此來往塵纓猶未濯滄浪	盧昭過吳松江詩霜林纖月墮疏烟有客同	舟思欲仙何處吳歌聞白苧滿江秋色坐青天	程嘉燧吳松雨夜詩聞江夜聞風雨桃花暮又疏船	亭水自長山星潦何如惜與故人別心知歸計虛君	還向朋好先	說右軍書	厲鶚四月吳松好詩四月吳松好天低樹壓橋青	蘆界湖尾白鳥點山腰點水女初嫁蠟魚童向髻令
----------------------	----------------------	----------------------	-----------------------	----------------------	-------	-------	---------------------	----------------------	-------------	------------	-------------------	--------------------	----------------------	----------------------	-------	------	---------------------	----------------------

人慚寄食客思轉蕭蕭四月吳松好商船發更稀
城陰水楊柳港馥野薔薇村熟知嘗酒寒多未減衣

垂虹亭上望

隊陳晚魚歸

杭世駿吳松立春詩小雪飛殘喜乍晴餘冬春見

異鄉更窺檐月好焚香待曉燭風多被酒行寒景漸

香隨日換羈愁仍有梅花分外清

幽夢何人共只有梅花分外清

滬濱江今在縣東北

案縣指華亭即今郡治也舊圖經云滬濱江口在縣東北一百十里

吳郡志曰松江東瀉海曰滬海亦謂之滬濱廣韻滬水

名也白虎通發源而注海曰濱

案白虎通發源東注海其水著大故稱濱也爾

雅江河淮濟為四濱四濱者發源注海者也雲間志引

白虎通證滬濱以松江至此獨白入海也今與黃浦合

流不得謂濱矣且舊蹟已湮無

陸魯望漁具詩序列竹

于海濱曰滬吳之滬濱是也

輿地記云插竹列海中以繩編之向岸張兩翼潮上

而沒潮退即出魚隨潮漲竹不江側有滬濱壘蓋虞潭得去名之曰滬魯望所指即此

袁山松防海處

舊志皆以袁山松為袁崧今據晉書山松傳改滬濱壘詳古蹟兩旁有

東西蘆浦瀉于濱江

雲間志

永樂大典云松江直趨而

東又七十餘里入海無復有濱兩岸皆平疇茂林故壘

寂然其東西蘆浦亦止通潮汐而已

陳志

蘆子渡

元王逢詩秋風兩岸著野水千

家繞隻履自東歸零亂霜天曉

明孫作詩吳江東來三百里派別松陵號松水何

年此地列兩城干雉依稀照江汜東西相望似連珠

大小欲學孤山孤大城已逐江沙圯小城獨在渡名

蘆君不見當時好城市滿目黃茅兼白葦又悲高門

底邑千家官渡於今屬蘆子百年富貴一朝悲高門

大宅號孤狸不信但看蘆子渡日日船開秋雁飛

顧或詩步出蘆子渡渡轉蘆花村結交漁樵客絕
跡管纓門豈無叩角詠僅有捫蝨論東家蓄牛羊西

家足雞豚亂離且
遊地何必問桃源
唐文昌詩耶城東來蘆子渡萬頃蘆花失

江路明月清秋作雪飛村中不見將軍墓

黃浦 在郡南境卽古之東江乃禹貢三江之一也案方

要云東江一名上江亦自太湖分流逕浙江嘉興府境

至海鹽縣乍浦入于海又云今嘉興府諸湖蕩之水過

嘉善縣北流入松江府之泖湖又北會吳松江入于海

曹印濡海塘攷云山東江已湮塞以今地言之在浙界而

支流旁及華婁金山南入海崑山志云東江自太湖分

流出白蜆湖入急水港由薛殿湖東南入海參觀庾仲

初揚都賦注張守節史記正義其源流支派若有可攷

然自海塘築塞三泖關淤自北泖而南故跡盡湮永樂

中嘉定人周程上言三江水利乃以錢塘當東江郭志

又疑柘湖小官浦爲東江尾閭說雖未確而于昔賢東

南流之言猶未相背若以黃浦當之則反從東北合松

江入海矣攷舊時黃浦東流由牯港新場入海關僅一

矢之力故雲開志嘉禾志均未詳載自明夏忠靖開江
通浦後漸廣開始有以東江目之者歷考諸說惟呂光
洵謂黃浦可補東江之闕三江水利考謂東南由黃浦入
海者雖非東江古述亦今日之東江也二說足為黃浦
論戰國時楚黃歇鑿其旁支流土人相傳稱為黃浦又
以歇故或稱春申浦郭志其首曰橫潦涇受黃橋斜塘及
秀州塘水顧志原案引金處和三吳水政錄金藻三江
塘來黃橋斜橋自三泖來其上為陂湖為急水港為白
蠅江又自松江分派而來其言黃浦源流詳於西北而
略西南陳志謂其源在杭州嘉興之水起自秀州塘補
其所未備也然考杭嘉之水有自嘉興逕郡之婁青境
散入泖湖者有自平湖逕華金境散入黃浦非獨秀州
一塘也今復條分縷析詳載三泖及西南受平湖諸水
之東流至詹家匯為瓜涇塘案舊時瓜涇塘亦支幹耳
人但呼為黃浦演迤而東凡南北兩涯之水皆入焉至
梢不知瓜涇也

鄒家寺

案寺為宋鄒運幹捨宅建名南廣福寺

折而北流趨上海縣東西

兩涯之水皆入焉

案今黃浦長二百五十餘里凡有

得勝渡折而東南過駟馬塘又折而東北至閔行鎮過

淡水懸又折而東南至金滙塘為浦水一大旋折處也

由是直折而北闊倍于內右逕廟港杜家行周浦塘吳

店塘四口凡十有八里俗呼長十八水勢較險自吳店

東北流至曹家嘴折而西北流三里至薛家嘴東折六

里為夏家嘴北折六里為雙笠嘴東折六里至龍華嘴

俗呼三夾裏北折六里至陸家嘴與松江合流折而東

西北流九里直折而東至陸家嘴與松江合流折而東

北三里至太平嘴折而東南三里至陳家嘴北折六里

至爛沙嘴又九里直折而東至葛家嘴又三里入寶山

縣界乃東北流曲折十八里至老鶴嘴入于海自張涇

至廟港有米市馮家金家灣塌水得勝韓倉彭家巨漕

閔行鄒家寺諸渡每渡相距三里間有六里者自廟港

至關前有吳冲涇王家夏家夏笠草庵高昌南倉董家

老白大馬頭陸家楊家孫家關前諸渡每渡相距六里

自關前至海又有洪口長渡白渡蘆子桃樹下海洋涇

東溝南塘諸渡每渡相距六七里不等存之以備利涉者問津焉明洪武間吳松江淤

塞永樂元年濬江通海引流直接黃浦闊三十丈遂以

浦名今橫闊二里許折而東北會吳松江以入于海陳志

郭志又云今吳松中流已湮既與浦合其出海之口雖

名吳松口實黃浦口也合流之處逕上海而北其闊至

六七里與陳志所謂橫闊二里許者又迥不侔矣今較

郭志所云寬廣愈甚渾潮直入此兩涯支幹淤塞湖柳

灘漲縱橫所由來也

唐陸龜蒙迎潮送潮辭序云余耕稼所在松江南旁田廩門外有溝通浦散而朝夕之潮至焉天弗雨則輒而留之川以滌濯灌溉及物之功甚鉅其贏壯遲速繫望晦盈虛也用之則順而進舍之則默以退

山川志

松江府志

卷八

三

陳子龍詩
南浦微風動
蕭然颺
壘秋寒
潮天際出
落日海西流
草樹津雲合
人烟朔吹收
可憐舟楫夜
咫尺近

滄洲

國朝

朱彝尊詩

極浦連天闕
驚濤壯海門
揚舲辭驛路
放溜入雲根
白霧魚龍伏
蒼烟日月昏
樓臺朝作市

雷雨暗翻盆
疏鑿千年久
舟航萬里奔
摩霄盤野鶴
吹浪湧江豚
杳渺通長島
虛無出遠村
祠因黃歇起

可論乘槎應未得
搖落問乾坤

高不驚泛黃浦
詩證古東江
似呼名申浦
昭日斜

光灑灑風斷勢
迢迢估客通
羣鳥耕夫沃
兩潮沿洄

定思夏傳治

薛澱湖

一名澱山湖
案青浦縣志云
說文鑿水中泥也
上流勢緩湖沙口積以注湖內漸成於澱故湖以澱

名戴表元寄澱湖李隱者詩
倪瓚松江竹枝歌皆作鍾

在府西北七十二里
嘉禾志

有山居其中湖之西曰小湖南接三泖其東大盈浦其

北趙屯浦蓋湖所以受三泖及西南諸港之水自二浦以瀉於松江也舊圖所不載止有小湖在西北六十里

周回三里

案薛澱湖西北有陳墓蕩名慶蕩陳湖高壑蕩雙底潭黃天蕩諸湖次第聯屬直至蘇州

對門舊圖所謂小湖在西北

六十里與今形勢迥不相侔吳郡圖經云西北有白蜺

馬騰

馬騰詳下

谷瑋瑁

青浦縣志云瑋瑁即陸瑁陸瑁同音以致誤耳

四湖舊圖谷

湖在縣西北五十三里馬騰西北六十里白蜺西北七

十里今白蜺湖在長洲界

今屬吳江元和所謂馬騰谷瑋瑁相

去五十里間

嘉禾志顧志作五七里

澱湖周回幾二百里茫然一

壑不知孰爲馬騰湖孰爲谷湖也此湖古來鍾水之地

近者如白蜺湖皆成圍田湖之四旁亦有築隄爲田者

歲有水潦則瀦水益狹矣

雲間志

顧志云北由趙屯浦東

由大盈浦瀉於松江南由爛路港以入三泖又云其後

又載錡湖云有陸錡宅曰瑁湖曰邢湖曰新湖云皆在

西北以今考之澱湖之南有瓢湖

案今練湖北灘有瓢湖村而湖之跡不可

攷矣其旁有金銀東清東白西陳大葑諸蕩澆北卽蔓萊

洲皆涵浸相屬數十里其西過金澤又有西龜蕩雪落

漾諸水而不得其名者尙多古今世殊焉知舊志所書

非今之諸蕩邪澱山宋時在水心並湖以北爲一澳曰

山門溜東西五六里南北七八里正當湖流之衝爲古

來吞吐湖水之地山門溜之中又有斜路港大石浦小

石浦通洩湖流後潮沙淤澱漸成圍田元初湖去西北
已五里餘今趙屯大盈去湖益遠顧何家港及南北曹
港受湖水以洩于江水患之多蓋有由矣

案今薛澱湖東西十八里南北三十六里周七十餘
里澱山已在陸地距湖四里餘較宋元時之寬廣什
之三耳北屬崑山南屬青浦湖有二洲北曰金家莊
西南曰蔡浜湖源有二西由大小硃砂港承莫萊洲
水西南由蔡浜湖源有白蜆江亦東南直趨爛路由柳
達浦趙屯大盈之瀉于江者亦反南流分達浦柳其
支散入八門塘金澤港徐家路西黃圩港南陳港石
塘東西二港東陳港長嘴港諸處今昔殊形源同委
異顧志所云所以異于雲間嘉禾二志

今時水勢又稍異于顧陳郭三志也
宋張擴過澱湖詩昨日過湖風打頭葦蒲深處泊
官舟近人鳥語聲碎瀕海風煙日夜浮午飯腥鹹
半銚菜客牀顛倒一皮裘平生
浪說在家好老向風波未肯休

衛涇遊潑湖詩疏星殘月向朦朧閒入烟波一櫂

風始覺舟移楊柳岸直疑身到水晶宮烏鴉天際墨

千點白鷺灘頭玉一叢欵乃一到水晶宮烏鴉天際墨

聲回首處西山渾在有無中衆澤東南會扁舟西北經雪

元戴表元過潑湖詩衆澤東南會扁舟西北經雪

融湖蕩白春動海山青歲事兼魚歎鄉謠詫屋簷鳴

夷誰羨汝祇

合佩箬篁

楊維禎詩半空樓閣潑山寺三面蓬櫓湖口船蘆

葉響時風似雨浪花平處水如天沽來村酒渾無味

買得鱸魚不論錢明日垂虹橋下過與君停權弔三

賢禹劃三江東入海神姑繼禹潑湖開獨龍最屬

戴山出三龍聯翩乘女來稽天怪浪俄桑土閱世

神牙亦劫灰我憶舊時松頂月月夜添夢接鶴飛回

王逢潑湖舟中懷謝倅詩月破山河影天垂霧露

陰西風寒不競東井夜空隔獨權槍波瀾疏燈落木

深無官郵民際

思爾細論心

明徐階詩梯雲磴石興透迤華舸平川盡漏遲花

底鳥過驚落辨柳邊風弱細垂絲隔江榜子魚爲飯

近水人家權作籬春賞此時

渾不惡獨和松露寫新詩

屠隆泛潏山湖詩 鳬雁寫波容兼葭日氣濃天深

入雙槳水濶浸孤峯濁酒愁無客清歌響觸龍尊前

採秀句忽

到九芙蓉

國朝高不驚夜渡薛殿湖詩 古廟依隴岸孤舟闖碧潯

天低烟霽歷浪走月浮沈 魚浦宵書濟蕞秋不禁

倚舷欣獲此

長笛按龍吟

三泖 在府西三十五里其源出華亭谷方輿紀要廣韻泖水

名華亭水也春渚紀聞江左人目水陸龜蒙詩云三泖

涼波魚蕩動注曰吾遠祖士衡對晉武帝三泖冬溫夏

涼蓋謂此也祥符圖經谷泖縣西三十五里周回一頃

三十九畝半古泖縣西四十里周回四頃三十九畝今

公工守志

山川志 水

泖西北抵山涇南自泖橋出東南至廣陳又東至當湖
又東至瀚海塘而止朱伯原續吳郡圖經曰泖在華亭
境泖有上中下之名泖之狹者猶且八十丈又案海鹽
之蘆漚浦海鹽卽武原也行二百餘里南至於浙江疑
此卽谷水故道水經以爲入海而此浦入江蓋支派之
異也今俗傳近山涇爲下泖近泖橋爲上泖或者其與
陸士衡朱伯原之言合案縣圖又以近山涇泖益圖曰
圓泖近泖橋泖益闊曰大泖自泖而上縈繞百餘里曰
長泖此三泖之異也或以須顧泖謝家泖爲三泖此二
者在縣之東南一陂澤爾與古所謂三泖者相望五七

十里

顧志作七十里

殊不知泖自有上中下之名也

雲間志

太史

公云卯之爲言茂也

案史記樂書律中夾鍾夾鍾者言陰陽相夾厠也其於十二支爲卯

卯之爲言茂也言萬物茂也蓋卯與萌通與卯不同

谷水在其北金澤章練小蒸

大蒸白牛諸塘在其西葑澳走馬諸塘在其東泖橋之

外橫絕而東者秀州塘也

顧志

三泖爲吾郡勝地古今名

流吟詠不勝載沈愷曰嘗泛泖而西出八九里外遙望

烟樹模糊水光梵宇相掩映而一塔玲瓏秀出雲表若

小蓬壺何良俊曰登泖上浮圖見九峯環列帶以長林

與波光相映發帆檣凌亂交橫空碧中隔岸蒲葦點綴

如染迴塘曲浦以百數澄淨若練明滅樹杪遠望姑蘇

諸山其一二最高者隱隱在天外既而出倚層闌則四面通徹都無障礙清風時來拂人莫如忠曰入長水院歷庭廡沿新隄觀放生臺還叩精廬四壁深靜閬若無人少間風濤怒號震薄之狀身如御虛樓閣飛動別一境界少焉月初上推戶視之則四望寥寥天無纖翳冰輪颺水金碧映發光芒射人幾盡遊之變矣

陳志

案長泖在今金山平湖之間雖已淤漲成田屬如支渠而其名尚存大泖在今華金之間已爲田爲蕩絕無形跡圓泖在今婁青之間周不過二十里卽舊志所謂近山涇之泖也其東支渠曰石曰周頭曹墳庵港長洲濃渢家灣廟涇諸港皆南受潮江嘉善之水東受元和葉庫王家金錢長洲諸蕩之水地與元和交錯自長洲蕩折而東北其支爲吳家灣泖甸清水港爛路山涇諸港皆北受薛殿練湖之水又東爲寫

塘石堰胡家路周葫蘆駱駝涇諸水北受南北曹港之水及趙屯浦水彙諸于柳東南趨古浦塘斜塘東則散趨走馬塘面杖港陸家曲諸支渠悉南逕詹家匯至橫潦涇達于黃浦乃江浙蘇湖杭嘉自歸之區黃浦之喉吭也若遇潦歲區區一區向慮莫能容蓄無如渾潮深入水緩沙停傍柳居民植蒲沾利沙遇蕭葦淤墊尤易更閱數十年將為長柳大柳之積嘉慶七年柳塔東南有大草墩者入官召變青浦令溫恭詳請捐廉置歸青溪書院時費相國淳為兩江總制批贖尾云查書院膏火自應另行籌捐據請將長柳塔前草蕩捐贖承買歸入書院不便准行蓋三泖乃浙省杭嘉湖三府所匯歸由浦入海之處豈可任其淤墊報陞圖目前之小利而不顧遺害日後耶仰蘇州布政司速飭松江府確勘果係河心突漲無論其現在有礙水道與否概行犁平詳報以資宣洩毋許愚民貪利偷植茭蘆仍責成地保查察按月結報如違照例懲治嚴批若此其蕩至今如故況此墩而外為蕩疊疊勢不至盡成平陸不止是在良有司思患豫防耳

宋宋庠詩綠鳴東陂已可憐更因雲實生西田鑿

開魚鳥忘情地展盡江湖極目天向夕舊灘多浸月

過寒新樹使藏烟使君直欲

解漁叟願賜樵青不計年

林景熙詩泖口乘寒浪湖心散積愁菰蒲疑海接

是雁與天浮澤國無三伏風颿又一州平生漫爲客

奇絕在

元楊維禎詩天環泖東水如雪十里竹西歌吹回

蓮葉倚深香霧捲桃花扇小彩雲開九朵芙蓉當面

起一雙鷗鷺近人來老夫于

此興不淺玉笛橫吹鷗浪堆

倪瓚爲文舉畫山圖詩華亭西畔路來訪舊時

蹤月浸半江水蓮開九朵峯酒杯時可把林叟或相

從興盡冷然去

雲濤起壑松西望蒼茫浴遠天芙蓉九點秀娟

錢惟善泖湖詩西望蒼茫浴遠天芙蓉九點秀娟

娟勢翻震澤蛟龍窟氣浸高寒牛斗躔支遁每招過

野寺天隨曾約種湖田倚闌不

盡登臨興更駕長風萬里船

張光弼詩 泖湖有路接天津萬頃銀花小

浪勻安得滿船都是酒船中更載浣紗人

中峯禪師明本詩 年晚那能與世期水雲深處分

相宜茭蒲繞屋供農饔菱藕堆盤代午炊老岸欲積

添野葑廢塘將種補新泥無心

道者何多事也要消閒十二時

邵亨貞詩 宿霧隨雲斂寒星著水明客舟移遠岸

戊析報初更老覺馳驅倦愁思喪亂平故人難黍約

歲晚更多情 橫泖清晨望人煙樹幾重三江歸禹

貢眾水會吳封雲倚孤村墟潮生半夜鐘田翁談古

跡隔水

是青龍 明王禕詩 入夜行過泖蒼茫與杳然大星懸樹杪

新月出帆前野清聯供醉漁歌屢惱眠歸歟繡川上

欲辦釣

魚船 顧清詩 扁舟下三泖試拂舊

綸竿鱸魚三尺雪飛上水晶寒

王世貞詩 莫言初地小但覺四天寬面面芙蓉鏡

眉眉薛荔冠一泓驚眼碧九點驚頭丹頃響波聲台

漁歌夜色殘
經歸龍藏易
僧結屋樓難
我醉聲聞酒
誰施法喜餐
倦分禪榻臥
問借佛書看
猶有餘根在
羞人識

宰官

莫如忠詩
首夏初晴
暢惠風
壺觴沿渚
出花官行

攀綠樹陰成
帷興渺滄波
望若空塢影
空懸天鏡裏

梵音翻出
樅歌中鑑湖
倘許

知章乞便可
投簪狎釣翁
澄湖浩淼
接長天
遲日微風
泛畫

林景陽泛柳
詩
登湖浩淼
接長天
遲日微風
泛畫

船浴景波濤
雲外起涵空
樓閣鏡中懸
數行鷗鷺依

晴沾九點芙蓉
隔暮烟
詞客相

從訪古處秦
城吳寒已茫
然

莫雲卿詩
夜來湖上月
色清四空
惟聞松水聲
使

君攬衣起索
客呼酒長嘯
天風生高樓
推窗燭光冷

樓頭人語波
心影沙磧煙
荒鳥亂啼陰
廊古壁僧初

定吾生茫茫
都欲浮何年
擘浪分此邱
九龍峯前一

珠耀精芒直
據蛟宮幽登
臨勝蹟宛然
在姓字卽

今何暖暖卻
待風流屠使
君千古江山
起光怪

董其昌詩
九點芙蓉墮
森茫平川如
掌攬秋光人

從隱後稱荆
長水在封中
表谷王日落
魚龍迴夜壑

風波險欲問寒塘浮生已閱

陸彥章詩澤畔楓林黃葉催霜天雲物對傳杯中

宵急艇衝寒宿數里驚濤對月來極浦蒼山遲半景

孤煙白鳥辨層臺權歌到處

橫江發風壑秋清奏響哀

駱駝曾詩并序曰往余臥病淮揚舟中夢一小艇凌

波萬頃浩渺無際耳畔聞海濤聲舟人語余此亦湖

也俄見一舴艋逆決而下勢殊可畏既又抵一小洲

憩焉恍惚若有天竺大士問予爲振衣頂禮延佇者

久之遂醒蓋甲辰春三月間事也風塵十餘年曾不

自意視學茲郡追惟夢遊遂數問湖何許又不意

仰湖之中乃有大士湖音閣依然一夢境也聊成短

什祇樹影十年清夢可追尋江上浮槎試一臨水月倒懸

空明沁客心飲啄人生原有定君平何必問升沈

陳繼儒渡柳詩秋老江蘋蘩夕空蕭蕭楓葉挂疏

紅那知三泖清秋思偏寄蘆花一寺中柳上空波疏

疊亂沙寺門橋斷半兼葭何從一借風帆力醉挾飛

鷗拍浪花斜陽約略水西頭餘景還能上竹樓天

際藤蕪半窗綠釣

養歸處起雙鷗

國朝朱彝尊長水曉行詩

日晴千重樹風微一葉舟殘

星高太白重露滴牽牛菽乳新漿熟魚標小市收不

知葭莢岸吹

蛤爾何求

谷水 吳記曰出吳小湖逕由拳故城下谷水又東南逕

嘉興縣城西谷水又東南逕鹽官縣故城南谷水於縣

出爲澈浦以通巨海

水經注

陸士衡詩髣髴谷水陽婉變

崑山陰陸道瞻吳地記云海鹽縣東北二百里有長谷

昔陸遜陸凱居此谷水東二里有崑山父祖葬焉

案寰宇記

漢廬江太守陸康與袁術有隙使姪遜與其子續率族衆避難於是谷東二十里有崑山父祖葬焉水北

曰陽山北曰陰則此水在崑山之北也寰宇記谷名華

亭谷水下通松江

華亭谷詳古蹟

祥符圖經華亭谷水東有崑

山元和郡國圖志在縣西三十五里

案元和郡國圖志吳縣華亭谷在縣

西六十里

朱伯原續吳郡圖經本之酈善長云松江東南

行七十里入小湖自湖東南出謂之谷水南接三泖

案

經注引吳記曰一江東南行七十里入小湖爲次縣自吳東南出謂之谷水雲間志續以南接三泖四字今泖北有練湖潑山湖陸士衡詩所云卽此水也或曰縣之而已無他水可考

西湖卽谷水也案東灘積卽唳鶴灘也鶴飲此水其聲

則清案圖經縣之西湖卽瑁湖也如陸士衡詩吳地記

寰宇志朱伯原續圖經言谷水如此而世傳如彼何也

獨祥符圖經曰谷水在縣南百五十步世之所傳其出

於斯乎

雲間志

顧志云舊志或以縣南舊西湖爲谷水或

以海鹽之蘆溇浦南入於浙江者爲谷水之故道新志則以華亭谷爲長泖之異名卽其所稱引如水經勝覽則谷水與三泖接如吳地記則泖卽谷水如寰宇記則谷水卽華亭谷而圖經亦有谷泖之名以數說參之則谷水有二縣南之谷水乃西湖之異名崑山西之谷水則新志所謂長泖之異名而華亭谷蓋因陸氏封邑而言又谷水之異名也

許尚百詠題華亭谷府南三里入松陵

舊以兩谷水

混而爲一又析華亭谷與谷水爲二故多異同通志又以經由拳故城者爲谷泖道崑山西者爲華亭谷麗西

湖上有谷水道院者爲谷水其說復殊今竝存之以俟
知水道者又案俗傳泖中每風息雲開衝鰲井闌畢見
蓋由拳故城也神異傳由拳陷爲谷水而城之故迹乃
在泖中嘉禾志當湖北有華亭河東北行三百里入松
江與吳地記合驗之地里皆三泖之疆界也但以谷爲
河小異耳此亦一水二名之證也郭志云谷水卽三泖
其西南受浙西諸水北受澱湖諸水由華亭界入於黃

浦題詠詳
古蹟

薛澱西南三泖西北諸蕩漾

泖澱之間重湖疊潏顯森
迷目而察其脈絡滌滄

大在在貫通舊志從略補列之
以觀其瀾朱沙急水諸幹附焉

沈龍湖

一名黃浦瀆與長洲

今屬元和

分界

北灘屬青浦餘屬元和

廣

十二里西承陳湖太師田湖東

由彭家斷

入蔓萊洲

陳志今土

人呼為長白蕩其支南洩于執洞港

西屬元和東屬青浦

朱家浜

道堂浜奚家浜張家浜長漈涇

一名長練涇

入急水港

蔓萊洲

廣九里與崑山分界

案今蔓萊洲西南屬元和西北屬崑山東南屬青浦

西承沈龍湖陳墓蕩水東由朱沙港以入澱湖

陳志

其支

一由諸巷雙塔達湖一由廟港

一名汪洋港

至石人廟達湖

一由朱巷港達急水港一達黃巷後蕩

朱沙港

西北承長洲

今屬元和

崑山諸水東入澱湖水迅與

急水港等

陳志案今朱沙有大小二港大朱沙港北屬崑山南屬青浦

急水港

一名汲水

在青浦縣西南五十里長二十餘里闊處至

三十丈西接吳江白蜆江乃東江之上流也

郭志東江詳黃浦

案今急水港自湖口至執洞港口六里許為下急水屬青浦又西為上急水屬元和

周莊蕩

俗名張師圩蕩

在急水港南承白蜆江水東入沙田湖周

八里東灘自東蔡港至三陳子江屬青浦餘屬元和吳

江

沙田湖南沙蕩

竝由夏家港韓巷港東入澱湖

陳志

龜蕩

一名瓦蕩

在澱山湖西南與吳江分界周二十餘里

陳志東

南入楊廉蕩諸曹漾惟西灘入門塘至吳江路一角屬

青浦

楊廉蕩

一名楊寮蕩

周二里西承龜蕩水北承殿山湖水東由

斜湖田姚餅入大葑漾南支散入金澤市河

諸曹漾

周三里北受吳江路水西受陳思白蕩諸水其

源皆自龜蕩來南入雪落漾東散金澤市河東屬青浦

西屬吳江

雪落漾

周三里北受諸曹漾西受蘇家港邱泗潭趙田

諸水南入骷髏漾其支亦散入金澤市河東灘屬青浦

餘屬吳江

骷髏漾

周二里北承雪落漾水西受尖田孫家浜諸水

東南入馬騰湖西北角屬青浦餘屬吳江嘉善

馬騰湖

俗名馬斜湖

周四里西北受骷髏漾水西受南趙田鍾

家灣諸水東入橫港南周港北屬青浦西屬吳江餘屬

浙江嘉善

案雲間志稱馬騰在縣西北六十里今是湖正在府治西北相距道里亦合記之俟攷

大葑漾

周九里西北受楊廉蕩水西受金澤市河北受

新姚蘄西瓜漾諸水東入田山莊蕩南入周家蕩

周家蕩

周二里餘北受大葑漾水西受白米蕩諸水東

南入火柴蕩

火柴蕩

周二里餘西受橫港白米蕩南周港諸水北受

周家蕩水東南入長白蕩

長白蕩

周二十里西受馬騰湖水

自南周港南勝港來

西北受火

柴蕩鯉魚蕩

在西蔡北西白蕩在泥潭村西

諸水東由上塘港逕

蓮花漾達鵬魚蕩北屬青浦餘屬嘉善

鵬魚蕩

周十餘里西受壬水廟港西北受蓮花漾水東

南逕錢盛東黃二村緒爲龔家莊白蕩又東南逕高字

圩葉庫二村入葉庫蕩北屬青浦餘屬嘉善

葉庫蕩

周二十餘里西北受鵬魚蕩北受任鄧蕩水東

南達於泖其支南出爲章練塘

案舊志載章練塘在金澤南其源出陳湖東流

入泖其入處與泖塔對共一支東南流入泖者曰曹墳

港今攷章練塘西受汾湖北受葉庫蕩東達于泖地界

吳江元和之閘非府境也因附記于此

田山莊蕩

周二里許西由橫港受大葑漾水西北受北

莊陳觀扇諸水東入西陳蕩

西陳蕩 周二里西受田山莊水北受荷花池西陳諸水

東入大連湖

連湖

青浦志作蓮湖相傳土人夏秋閒水在澱湖東南西中輒淘得蓮子故名今則未之見也

引龍蕩澱湖水合瓢湖金銀蕩爛路港南入於泖陳志中

有地一區

俗名飯圩

如泖湖而差小上有永靜庵青浦縣志湖周

七八里東連一蕩周三里許曰小蓮湖

王世奇同石庵張也倩蓮湖秋泛詩趁晴一葦間中流水闊村荒恰早秋跨海長虹收雨脚穿雲新月

挂城頭清時不羨劉琨楫仙侶還同郭泰舟對酒偶聽蘆荻外數聲哀雁向人愁

瓢湖

元王逢飄湖月夜舟中短歌
不知乘風兮風乘我為激飛爽兮飄揚倚星月倒兮
相迎隨降沈寥兮金節舞空明兮文螭騰蔚忘
歸兮神界天借嗟白日塵一冥兮會孰知有清夜

金澤塘 自金澤東過大葑為橫港又東逕田山莊西陳

蕩又東逕黃田村南越連湖達爛路港

案前志載金澤塘泛及蘆蕩雪

落漾周莊甫里諸處非
塘之所逕也故悉從略

爛路港 在澱山湖東南引湖水南行入泖東為山涇港

西為金林蕩為金同路蔣家路爛路之西為連湖蕩金

同之西為鄒家蕩水勢迅駛四縣漕舟所由

郭志案
爛路長一

十八里界大小連湖之間北接薛澱南通泖湖為今華
奉埭金青五縣糧艘入湖運道水勢寬深惟泖口近起
沙帶糧艘之自泖來者多
由清水港轉入爛路港

湖泖東北府城西北諸水泖水盡洩于浦湖水則分歸黃浦半入松江遶道分

流各循常軌如人身大絡然故即次於滂漾以通脈絡焉

北曹港

相傳次以滂漾以曹宣慰得名而青浦志作漕又以運道稱也統長一十八里

自殿湖東北

行北為新河

元至元三十年於湖田開新港三條濶三十餘丈疑此其一也

其西為三

分蕩自蕩而東至西虹橋皆宏闊迅駛湖水之泄瀉賴

有此耳瀕港田最下北岸有白壤南有叢基浜

相傳湖

為叢取魚則湖化為田多矣

有琴村阮村琴阮諸村田復高秋可種

麥

願志

今自長崱頭港承湖水東流左納杜子港十觀音

港南厓港張家村港檀港西井亭港諸水右逕東西山

港落蘇港何家橋港又東過放生橋左納東井亭港言

家港水右逕一里橋即祥二里橋即盧三里橋即張又

東豬為三分蕩左納新河入曹港處名丁家港橫港蔣

墩港諸水右逕四里橋即西丁五里橋即東丁斜漚橋

六里橋三里橋二里橋一里橋諸港六里橋以下四港皆通琴村浜俗呼

六里琴材是也又東接青浦通漕門城濠趙屯浦水自北來會

昔時湖水東流由趙屯浦達江今浦水轉自北來至通

漕門分流而西達斜漚港口與濠湖東來之水合流越

南曹港分達泖浦一支由通漕門繞青浦運艘停泊于此

南曹港統長二即舊鹹魚港自濠湖東南何家港東流納

龍河水東北為斜漚入北曹港東出泰來橋北由黑橋港出柘澤

塘折北爲大盈浦南接柘澤東爲諸家塘上有曹宣慰

宅顧志宣慰宅今廢今自斜瀝南流至長條港口折而西右納

小港水過九峯橋又西右納周家港高家港水左逕義

冢港六十畝港六號港又西過牌樓橋右納揚先港渡

船港折而南爲西施灣至西小港西折越山涇至安莊

達欄路爲青浦運道

連林塘

俗名連登塘長二千一百四十丈

西承葑灣塘水東流右逕蕩田

港東西竹管涇天仙河水自北來會過連林廟鎮又東

左納周涇

北通泰來橋

喬家港

北通趙家堰

洋翠涇

北通張涇塘

察樹

涇

北通沈涇塘

滬瀆港

俗名下北港北通沈涇塘

諸水右逕東西九曲南通

白駱家浜通新開河又東歧爲二東出爲扁山涇達沈

涇塘南折爲干山市河繞麓而東爲秀溪塘

秦皇走馬塘

附橫山塘長一丈

西承圓泖水東流過白圩港

左納葑灣塘水又東逕沈涇港

南通面杖港

過崑山北越西

山涇逕西竹管涇納連林塘水又東左逕陸徐涇右納

東山涇水又東爲橫山塘至橫雲南麓歧爲三其一東

流逕小橫山前爲橫浦塘其一自小橫北流爲小山塘

北至機山前爲雞鳴涇東折合秀溪塘

其一南注爲觀音塘

面丈港

長一十八里

在走馬塘南西承圓泖水東流左逕周家

浜右逕朱家浜又東左逕始字圩斷前浜越西山涇又

東右逕胡家村大漚至長興橋南合徐村塘南流達古

浦塘

古浦塘

西承圓泖東流左逕界涇

東逕三涇鮎魚浜達西山涇

右逕

潢泗涇

南流過橫江達斜塘

又東過斜塘北又東左納東西山涇

徐村塘水右逕姚涇

東南通石湖港

又東左納尤墩港水

由橫山塘

屈而南過射角蕩出錢家橋為尤墩港其由錢家橋分而西者為馬墩涇折而東南流者為陸家浜皆出古浦

塘東過跨塘橋與秀州塘合

四十一保三區長五千六百三十五丈四區長一千

三百七十三丈四十三保一區長三千八百十六丈

葑澳塘

長三千四百九十丈

在圓泖東北受曹港水南流逕白米灣

又南過林陸合墓橋右納李馬浜界涇水又南右逕潘

水經注卷之二十一
涇左逕許巷又南逕連林塘口達葑澳塘鎮越走馬塘
面丈港合圓泖東流之水南達古浦塘

西山涇 在葑澳塘東崑山橫雲之間承曹港水南流合
竹管涇又南絕秀溪塘過橫雲山西麓又南絕走馬塘
過崑山東麓過漾橋絕面丈港南逕施家村達古浦塘
東山涇 承曹港水南流合東竹管涇出南白蕩東折至
機山前會秀溪塘水南流絕面丈港達古浦塘

沈涇塘

柘澤塘附長三十六里

在府西五里南接秀州塘過秀野橋

北行西爲黃泥漕爲浪墩涇東爲沈村涇又北爲褚庵
港過沈涇塘橋至富林西合橫山塘東合橫浦白橫浦

北流爲神山塘又東北爲八曲港自富林西北入鍾賈

山北行至永安橋爲柘澤塘入大盈浦顧志曰自

橋李城下水流東北則此塘所以瀉土流之水也往時

歲旱濬之遇潮漲則亦可以引松江之水以資灌漑蓋

昔時引浙水入江之大幹也今自青浦水躍龍門承大

盈趙屯二水南流爲柘澤塘過大生橋左逕腰涇徐家

浜朱香涇郁家涇諸家塘右逕利濟橋港俗呼黑橋港北吳

家浜通張涇塘又南至柘澤廟前過永安橋爲沈涇塘右逕

顧夏塘南通張涇塘張涇塘左逕西橫涇王家港東折至少

年涇俗呼三界港又折而南右逕南吳家浜折而東右逕察

樹涇俗名赤遊涇滬濱港俗名下北港俱南通連林塘抽車宅扁山涇通秀

唐左涇戚家村港石家涇落花涇通王仙涇六萬步港通莊涇

又東至東橫涇通橫山姑折而南右涇鍾賈山港左涇盧山

浜又南過甘露橋左涇周涇右涇橫浦塘山折而東右

涇大可港村左涇西塘橋港又東至廣富林折而南左

涇一里橋三里橋古山水橋諸港右涇浪墩涇楊餅大

橋浜又南過廣濟橋左涇褚庵港右涇黃泥漕又南過

水雲亭右涇丁家浜左涇蓮池浜又南過秀野橋達秀

州塘

諸家塘長十里西起柘澤塘東行左涇董家浜右涇小涇通南

裏橫

又東過葑簍右逕蓮子涇王仙涇莊涇右逕朱瀨

又東過天聖莊左納駱家浜野貓浜千步涇水

俱自崧宅來

右逕馬祁浜斜港至沈家灣南折而東左逕羅家港東

小涇又東過陳坊橋絕神山塘逕邵祁浜苧墩涇東西

吳涇薛山浜東南流逕薛山陽過鳳凰山達通波塘

神山塘

長七里

北受柘溪水南流右逕樂胥灘橫涇左逕葫

蘆兜

東通奈山港東南逕高梁橋達通波塘

又南繞神山西折而南爲神

山前港納張塔涇白蕩諸水入周涇又南逕張家村過

富塘橋合富林市河左逕長浜

南通八字橋爲東塘東南過張村橋舊宅厯百

家村達通波塘

陳家浜八曲港村後港又南過龍興橋爲沈村

塘左逕二里涇

東通通波塘南通采花涇

右逕褚庵港又南達白龍

潭

崧宅塘

長一千七百四十丈有奇

自橫泖分支北流西折為界涇為

孔涇

原案孔涇俗呼林道浜西對望河涇東通郊店楊家莊烏塘細流百折至嘉定紀王廟鎮過江為楊

林與江灣真如南翔婁塘諸鎮接迹地產蘿藤薯蕷黃麻荳蔻之類嘉湖買販多從此道以避江湖之險然皆

淡淺稍旱則舟楫不前此濱江諸浦之通患也為東施浦為管浦北為七匯港

為秋末涇為條涇

顧志

元謝應芳避地條涇懷友詩

憶昨方臥疴妻子呼

避兵登舟夜將半骨立心顛驚問兵今遠近言聞闔

閭城賴有風滿帆送我東南征信宿坐不寐鶴鳴近

華亭晚泊青龍江蘿藤而地青新知適相遇留我居

條涇土風頗淳樸地僻難大寧我病日以瘳客來能

起迎老叟心自憐或謂詩骨清比鄰兩三家情親若

平生園蔬日持送酒壺時其傾強飲不成數觀虞未
忘情懷哉數君子雨打水上升雲零今何計吾將尋
舊盟賣刀買黃犢子孫共春
耕奈何西枝西磧石猶自鳴

橫柳 自北曹巷分支經唐行鎮今青浦縣治絕大盈東流俗呼

十字港或謂橫柳起自大盈楊維禎橫溪義塾記云卽社學爲之今浦西鎮中萬氏宅猶稱學基則柳非自浦

明過崧宅塘絕顧會崧子二浦東接胡涇爲東橫柳南

至樓下張管山前爲橫塘望龍歸庵斜入盤龍浦遂東

貫沙竹岡止西上灣顧志爲潘蕩崧宅低鄉洩水之徑道

陳志其左支爲千步涇北通施浦黃泥漚北通陶松澤塘中行

涇裏浜七匯青山港諸水皆爲橫柳脈絡而青山七匯

崧宅爲支中之幹其右支爲腰涇東通未達涇牛頭涇少年涇南村南通朱

漢北通中央涇西至五十保二莊浜笑連涇皆南通竹

區一畝西南弔字圩接橫柳新浜南通黃蕙青墩港北

墩浜廟涇上江涇南通牛輪新浜南通黃蕙青墩港北

青山廟伍家帶隱涇金壇涇祥澤塘諸港皆引柳水洩于

通波又東逕洞涇張涇諸港皆洩于俞塘案橫湧起青浦東門報恩

橋東北由蒲匯塘直達龍華出浦為便民橋隱涇一帶

低區宣洩要道今西半淺狹向通舟楫至樓下打鐵橋

皆淤塞若遇霪潦無以洩瀉宜及時開濬三十四保

三區長四百二十五丈三十五保一區長七百四十六

丈二區長一千一百三十八保二區長一千二百八

百三丈三區長二千四百四保一區長一千一

百二十丈四十六保二區長五百七十七丈四

明邵亨貞橫柳夜思詩宿霧隨雲飲寒星著水明

客舟移遠岸戌柝報初更老覺驟馳倦愁思喪亂平

故人難黍約歲晚更多情

卷八終